


Imaqarniliaq  
Kommunalbestyrelse – ileqquusumik ataatsimiinneq 04/2019



**Imaqarniliaq  
Ileqquusumik ataatsimiinneq 04/2019**

**Ataatsimiinneq Qaqortumi ingerlanneqarpoq  
18. september 2019 nal. 09.00**

**OQALUUSERISASSANUT TAKUSSUTISSIAQ:**

- Imm. 1 Oqaluuserisassat akuerineqarnerat.
- Imm. 2 Kommunalbestyrelsimi ilaasortaq Bentiaaraq Ottosen
- Imm. 3 Borgmesterimit ilisimatitsissutit
- Imm. 4 Aningaasaqarnikkut killiffik
- Imm. 5 Kommunimut akiitsut killiffii
- Imm. 6 Missingersuutininik nuussinissamik qinnuteqaat, Isumaginninnermut ataatsimiititaliaq
- Nal. 7 Missingersuutininik nuussinissamik/ilassutitut aningaassaliissutininut qinnuteqaatit Atuarfeqarnermut, meeqqeriveqarnermut nutaaliornermullu ataatsimiititaliaq
- Imm. 8 Missingersuutininik nuussinissamik qinnuteqaat, Aningaasaqarnermut ataatsimiititaliaq.
- Imm. 9 Aningaasaqarnermut immikkoortortaqarfimmi sulisut amerlassusiligaaneri-sa/akissaateqarfiup allanngortinneqarnissaannut qinnuteqaat
- Imm. 9A Sulisoqarnermut allaffimmi / akissarsialerivimmi sulisut amerlassusiligaaneri-sa/akissaateqarfiup allanngortinneqarnissaannut qinnuteqaat
- Imm. 10 Kuussuannguami illuaraqarfiup/tammaarsimaarfiup inatsisinut naapertuuttunngortinneqarnissaa
- Imm. 11 Nanortalimmi B-423-p pisiarinissaa
- Imm. 12 Tamanut ammasumik tusarniaasarnermut tunngatillugu ingerlatseriaaseqarnerup allannguuteqartinneqarnera.
- Imm. 13 Kommunimut pilersaarummut tapiliussaq nutaaq, qaartartugaataasivik
- Imm. 14 2017-imiit 2028-mut kommunimut pilersaarummut tapiliussaq nr. 4 Qaqortumi mittarfik.
- Imm. 15 Kommunit ataatsimoorussamik eqqakkanut iluarsiiissutissaat
- Imm. 16 Ineqarnermut pilersaarut
- Imm. 17 Narsami Neqi A/S-imiit nunap ilaani allami toqoraanermi igitassanut assaaffissiaq
- Imm. 18 Eqqagassalerinermi maleruaqqusat nutaat
- Imm. 19 Qaqortumi Qummumi Namminersorlutik Oqartussat inissialiorneranni Kommunimut pilersaarummut tapiliussap atortinneqannginnissaanik akuersineq
- Imm. 20 Innovation South Greenlandimut kiffartuussinissamik isumaqatigiissut kiisalu missingersuutitigut nikisitsinissamik qinnuteqaat
- Imm. 21 Narsarsuup siunissaa
- Imm. 22 Kukkunersiuisup akuerisap taarserneqarnera
- Imm. 23 Sulisut peqqissutsikkut sillimmasiiffigineqarnerat
- Imm. 24 2020-mut missingersuutit siullermeerneqarnerat
- Imm. 25 Taasariaqartut allat.

**PEQATAASUT:**

- Atassut:** Kim Ezekiassen (Gerhardt Petersenimut sinniisutut)
- Inuit Ataqtigiit:** Asmus Hansen, Henrik Brummerstedt, Mouritz Karlsen, Naja Lund, Ole Mølgaard Motzfeldt (Stine Egedemut sinniisoq)
- Siumut:** Kiista P. Isaksen, Manasse Semsen, Mari S. Abelsen, Karla Egede Bisgaard, Annasse Kleist Karolussen (Monica Dorphimut sinniisutut), Benjamin Kielsen, Ole Jørgen Davidsen (Anders Olsenimut sinniisutut), Josef Petersen, Simon Simonson
- Peqataangitsut:** Stine Egede, Anders Olsen, Monica Dorph, Gerhardt Petersen, Anders Olsen.
- Atorfilittat:** Pisortaaneq Kim Dahl, pisortaanerup tullia Carsten F. Hansen, aningaasaqarnermut pisortaq Kim Rosendahl
- Immikkut peqataatitat:**
- Oqalutsi:** Kelly Berthelsen

**IMM. 1. OQALUUSERISASSAT AKUERINEQARNERAT**

**Aalajangiineq:** Akuersissutigineqarpoq. Ole Jørgen Davidsen nalunaarpoq imm. 10-imut tunngatillugu attuumassuteqarpallaarami aalajangeeqataasinnaanani, taamaammatt immikkoortup taassuma oqaluuserineqarneranut ilaassanngilaq.

**IMM. 2 KOMMUNALBESTYRELSIMUT ILAASORTAQ BENTIARAQ OTTOSEN**

Kommunalbestyrelsimut ilaasortaq Bentiarq Ottosen Danmarkimi ilinniaqqilernini pissutigalugu 1. septemberimiit atuutilersumik kommunalbestyrelsimit tunuarniuteqarpoq.

Inatsisitigut tunngavigisat: Kommunit aqunneqarnerannut inatsit § 54

Aningaasartai: soqanngilaq

Pisortaanerit inassuteqaataat: Qinnuteqaat akuersissutigineqassasoq.

Aningaasaqarnermut Pilersarusiornermut Ataatsimiititaliap 10-2019 aalajangernera:  
Akuerineqarnissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq. Gerhardt Petersen tamatuma kingorna kommunalbestyrelsimi tamakkiisumik ilaasortanngorpoq.**

### **IMM. 3. BORGMESTERIMIT ILISIMATITSISSUTIT**

- Kommunalbestyrelsi ippassaammagu immikkut sammisaqarluni Aqutsinermut inatsit, Narsarsuaq pillugu nalunaarussiaq kiisalu 2020-mut missingersuutininut missingusiaq sammivai.
- Aasaanerani nunat allat aallartitaat marluk tikeraarput, Carla Sands (USA) kiisalu Leo Peters (Belgien) kiisalu Islandip nunanut allanut ministeria Guðlaugur Þór Þórðarson. Belgiap aallartitaa unnerpoq Danmarkimi aallartitaqatini katersornissaannut ikiuussinnaalluni, taamaamallu qaammatip tulliata ingerlanerani taakku ataatsimeeqqatiginissaat aqqis-sorneqarsinnaassasoq.
- Aammattaq Roskilde Kommunimiit pisortatigoortumik tikeraartoqaqqammerpoq; taakku sapaatit akunneranni ataatsimi tikeraarnerminnit illoqarfiit pingasut tamakkerlugit angalavigaat.
- Aasaq manna kommunimi ilinniartitsisut tamakkerlutik isumasioqatigiipput. Aaqqissuineq assut nersorneqarpoq ukiullu tamakkiillugit pisarnissaa kissaatigineqarluni.
- Politikikkut ataqatigiissaarisooqatigiit augustimi ataatsimiittussaagaluarnarat kingusinnerusumut kinguartinneqarpoq, sulilu ulluliisoqarsimanngilaq.
- Suliniut Sanasa ukioq manna Narsami ingerlanneqarpoq; inuusuttunut eqqumiitsuliortunut illoqarfimmiumullu nuannaarutaaqisumik illoqarfimmi atuarfimmilu qassiinik eqqumiitsuliortoqarpoq. Aaqqissuussineq tullesq Nanortalimmi 2020-imi ingerlanneqassaaq. Siorna assingusumik Qaqortumi aaqqissuisoqarpoq.
- Juunimi inuusutissarsiortut kommunilu peqataaffigineqarluartumik isumasioqatigiimmata siunissami suleqatigiinnissaq eqqartorneqarpoq.
- Nunaqarfiit tamakkingajallugit (Saarloq kisiat minillugu) illoqarfiillu tamakkingajallugit (Nanortalik minillugu) Ulf Fleischer peqatigalugu angalasoqarmat kommunip takorluugai anguniagaalu kiisalu suliat massakut ingerlasut ilisimatitsissutigineqarput. Kommunimi aaqqissuussinerit katillugit 21-it ingerlanneqarput, meeqqerivinni, utoqqaat illuini, innarluutillit angerlarsimaffianni Ivaqqami kiisalu utoqqaat ornittagaanni.
- Aqagukku Nuuliartoqassaaq Naalakkersuisunik ataatsimeeqateqariartorluni (19. – 24. september).
- Oktoberip ingerlanerani aningaasaateqarfinnik, illoqarfittut ikinngutinik allanillu ataatsimeeqateqariartorluni Danmarkiliartoqassaaq.
- Ataatsimoortumik tapiissutit suli isumaqatigiinniutigineqaraluartut 2020-mut aningaasanut inatsisissatut missingiutip saqqummiunneqarsimanera kommunimit immikkut maluginiarneqarpoq, tamannalu immikkoortoq 24-imi uterfigeqqissavarput.

**Aalajangerneq: Oqaaseqatigineqartut ilanngullugit akuersissutigineqarput.**

### **IMM. 4. ANINGAASAQARNIKKUT KILLIFFIK**

2019-imi august ilanngullugu naatsorsuutit killiffii  
04.09.2019-ip aallartinnerani Kommune Kujallermi naatsorsuutit killiffii.

Inatsisitigut tunngavii: Missingersuutitut Naatsorsuutinullu inatsimmi § 41 naapertorlugu

Aningaasartai: Ilanngussami nassuiarneqartutut ipput.

Pisortaanerit inassuteqaataat: Aningaasaqarneq pillugu saqqummiusaq tusaatissatut tiguneqassasoq.

Aningaasaqarnermut ataatsimiititaliap 10/2019 aalajangernera: Tusaatissatut tiguneqarpoq.

**Aalajangiineq: Akuersissutigineqarpoq.**

### **IMM. 5. KOMMUNIMUT AKIITSUT KILLIFFII.**

04.09.2019-imi kommunip pisassaasa tamarmiusut ilisimatitsissutigineqarnerat, kiisalu

- pisortat suliffeqarfiutaanni akiitsoqarnerpaat qulit
- qaammammusialinnit akunnermusialinnillu pisassat
- qinikkaniillu pisassat

Inatsisitigut tunngavii: Missingersuutitut Naatsorsuutinullu inatsimmi § 41 naapertorlugu

Aningaasatigut kingunissai:

Pisortaanerit inassuteqaataat: Tusaatissatut tiguneqassasoq.

Aningaasaqarnermut ataatsimiititaliap 10/2019 aalajangernera: Tusaatissatut tiguneqarpoq.

**Aalajangiineq: Akuersissutigineqarpoq.**

### **IMM. 6. MISSINGERSUUTINIK NUUTSITSINEQ/ILASSUTITUT ANINGAASALIIS-SUTINUT QINNUTEQAATIT – Isumaginninnermut ataatsimiititaliaq**

Missingersuutitigut nikisitsinissamik / ilassutitut aningaasaliissutinik ataatsimiititaliamit qinnuteqaat

F – Missingersuutitigut nikisitsineq (konto 4101)

Suliap saqqummiunneqarnera:

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 23.

Aningaasartai: Aningaasartuutitut allannguutaanngitsoq.

Pisortaanerit inassuteqaataat: 9. september 2019 ikkunneqassaaq.

Aningaasaqarnermut Pilersaarusiornermut Ataatsimiititaliap 10-2019 aalajangernera:  
Akuerineqarnissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

**IMM. 7. MISSINGERSUUTITIGUT NIKISITSINISSAMIK / ILASSUTITUT AN-  
INGAASALIISSUTINIK QINNUTEQAATIT Atuarfeqarneq, Meeqqeriviit & Nutaaliorneq:**

Missingersuutitigut nikisitsinissamik / ilassutitut aningaasaliissutinik ataatsimiititaliamit qinnuteqaat

**A - Ilassutitut aningaasaliissutit ilanngaaseriikkat kr. 300.000 (konto 50.01)**

Suliap saqqummiunneqarnera:

Inatsisitigut tunngavigisaq: : Missingersuusiortarnermut naatsorsuusiortarnermullu inatsimmi § 23.

Aningaasartai: 300.000 kr.

Pisortaanerit inassuteqaataat: Ingerlatsiviup nammeneq missingersuusiaani iluaniitinneqarpata akuerineqassasoq.

Aningaasaqarnermut Pilersaarusiornermut Ataatsimiititaliap 10/2019 aalajangernera: Ingerlatsiviup nammeneq missingersuusiaata iluaniitinneqarluni akuerineqarnissaa kaammattuutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

**IMM. 8 MISSINGERSUUTITIGUT NIKISITSINISSAMIK / ILASSUTITUT ANINGAASALIISSUTINIK QINNUTEQAATIT – Aningaasaqarnermut Ataatsimiititaq**

Missingersuutitigut nikisitsinissamik / ilassutitut aningaasaliissutinik ataatsimiititaliamit qinnuteqaat

A – Aningaasaqarnermut ataatsimiititaliaq – (konto 1804)

UNESCO-ip naatsorsuutaasa ingerlatsineratalu aalajangersimasumik kontuliorneqarnerat

Suliap saqqummiunneqarnera:

Inatsisitigut tunngavigisaq: : Missingersuusiortarnermut naatsorsuusiortarnermullu inatsimmi § 23.

Aningaasartai: Namminerisamik kontomi nikisitsinerinnaammat soqanngilaq.

Pisortaanerit inassuteqaataat: Kommunalbestyrelsimi akuerineqassasoq inassutigineqarpoq.

APA-p 10/2019 Aalajangernera: Inassuteqaataat akuerineqarpoq.

**Aalajangiineq: Akuersissutigineqarpoq.**

**IMM. 9. ANINGAASAOARNERMUT IMMIKKOORTORTAQARFIMMI SULISUT  
AMERLASSUSILIGAANERISA/AKISSAATEQARFIUP ALLANNGORTINNEQARNIS-  
SAANNUT QINNUTEQAAT**

Aningaasaqarnermut immikkoortortaarfik allaffimmiunertut atorfiup fuldmægtiginngortillugu qaffaavigineqanissaanut qinnuteqarpoq, tamannalu siunissami sulisunik piukkunnaateqartunik pis-sarsisarnissamik qulakkeerinninniarnuvoq.

Qinnuteqaat **01.07.2019**-imiit atuutilernissaa kissaatigineqarpoq.

Ukioq manna atorfinitsitsineq aningaasatigut kinguneqarnaviannigilaq, massakut sulisuvut amiga-reermata. Suliunnaartoqarnera qitornartaarlunilu sulinngiffeqartoqarnera pissutigalugit.

Tamatuma kingorna atorfimmik qaffaallatsitsineq ukiumut 20.000,00 koruuninik aningaasartuuta-nerussaaq.

Inatsisitigut tunngavik: Kommunit aquneqarnerat pillugu inatsimmi § 25 aamma kommunimut piginnaatitsissut.

Aningaasartai: 2020-imiit ukiumut 20.000,00 koruunit

Pisortaanerit inassuteqaataat: Akuerineqarnissaanik inassutigalugu kommunalbestyrelsimut ingerla-teqqinneqassasoq.

Aningaasaqarnermut Pilersarusiornermut Ataatsimiititaliap 09/19 aalajangernera: Akuerineqarnis-saa kaammattuutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

**IMM. 9 A SULISOQARNERMUT ALLAFFIMMI / AKISSARSIALERIVIMMI SULISUT  
AMERLASSUSILIGAANERISA / AKISSARSIATIGUT INISSISIMAFFIIT AL-  
LANNGORNERAT**

Overassistentitut atorfiup fuldmægtigit atorfinngortinneqarnissaanik Sulisoqarnermut Immik-koortorta qinnuteqaateqarpoq. Immikkoortortami overassistentitut atorfik marloriarluni allagarsi-unneqartareeraluarpoq naleqquttunilli qinnuteqartoqassanani.

Ukioq manna atorfinitsitsineq aningaasatigut kinguneqarnaviannigilaq, massakut sulisuvut amiga-reermata.

Tamatuma kingorna qaffaallatsitsineq ukiumut kr. 36.000,00-inik aningaasartuutaanerussaaq.

Inatsisitigut tunngaviit:

Aningaasartai: 2020-imiit ukiumut 36.000,00 koruunit

Pisortaanerit inassuteqaataat: Inassuteqaat akuerineqassasoq.

**APA-p (xx/2019) aalajangenera: Akuerineqarpoq.**

**Aalajangiineq: Akuersissutigineqarpoq.**

### **IMM. 10 KUUSSUANNGUAMI ILLUARAQARFIUP INATSISINUT NAAPER-TUUNNGORTINNEQARNERA**

2013-imi Kuussuannguami illuaraqarfiliortoqarsimaneranik kommune ilisimasaqalerpoq

2014-imi nunap ilaanut illuaqqat atasut timaatungaannut tunngatillugu kommunimut ilassutitut pilersaarut suliarineqarpoq. Maannakkut illuaraqarfiusumut akuersissutit tunniunneqarsimasut arlalinnik paatsuunganartortaqsimapput, Stefan Magnussonillu marloriarluni saaffiginnittarneratigut ingerlatsiviup qinnuigineqarnermigut illuaraqarfik tikeraarsimavaa, ukiuni kingullerni arfinillini oqaluttuassartai piviusut qulaajarniarlugit. Maannakkut ukiut ingerlanerini akuersissutit assigiinnigitsut uppersaataat ingerlatsivimmit tunniunneqarsimasut pigineqarput. Kingullertigut juunip 4-anni 2019 illuaraqarfiup tiffasinnersumut nuunneqarnissaa kommunimit piumasarineqarpoq, tamatumunngalu tunngatillugu nunaminertamik atugassinneqarnissamik qinnuteqartoqarnissaa pi-umasaqaataalluni.

Tamanna ajornaatsumik suliarineqarinnaangilaq, peqqutigalugu qulimiguullip annerpaamik 1.000 kiilut kisivissinnaammagit, matumanerpiarlu illuaqqanut tunngatillugu oqimaasutsimut killiussaq qaangerneqarpoq. Illu ataatsimoorfiusartoq anginerumaartoq nuunneqarsinnaananilu ilivitsuutillugu kivinneqarsinnaangilaq. Illu ataatsimoorfiusartoq angivallaarpoq, illulu assaat atorlugit isatereqassappat qisuttaasa aserorterneqarnerannik kinguneqassaaq. Tammaarsimaarfik tamarmiusoq nuunneqassappat naatsorsuutigineqarpoq 1 mio. koruunit ataannagit akeqassasoq, aningaasarniarnerlu eqqarsaatigalugu ajornarluni.

Suliap nassuiaatigineqarneranut tunngatillugu suliame takussutissiat innersuussutigineqarput.

Inatsisitigut tunngaviit:

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq

- Sanaartornermut inatsit aamma sanaartornermut malittarisassat BR06

Avatangiisinut inatsit

Allaffeqarfiup inassutigaa

-tammaarsimaarfiup ingerlataasa ataasiakkaat allanngortinneqarnissaannut ineriartortinneqarnissaannullu tunngatillugu nunaminertamik atugassiinermik qinnuteqaat maannakkut saqqummiunneqartoq inaarutaasumik oqallisigeriarlugi suliaq naammassineqassasoq.

-siusinnerusukkut aalajangiunneqareersutut taammaarsimaarfik nuunneqassanngitsoq, taarsiulluguli Pilersaarusionermmut sanaartornermullu aamma avatangiisinut oqartussaasut suleqatigalugit maannakkut inissisimaffia inatsisinut naapertuuttunngortinneqassasoq, taamaalilluni tammaarsimaffimmut piumasqaataasut Kommune Kujallermi illuaraliornermut aalajangersakkanut allanut najoqqutarlilersillugit.



Imaqarniliaq  
Kommunalbestyrelse – ileqquusumik ataatsimiinneq 04/2019

-Kommunimut ilassutitut pilersaarut 2014-imeersoq maannakkut atuuttoq allangortinneqassasoq, taamaaliornikkut maannakkut ingerlanneqartut isumagineqarsinnaaniassammata, siunissamilu nunap ilaani takornariaqarnermi ingerlatassanut atuuttunut kissaatigineqartunullu tulluarsarneqarlutik.

-Suliaq ingerlanneqarnera pillugu Teknikkimut Avatangiisinullu Ataatsimiititaliaq malinnaatinneqassasoq.

-Suliaq aalajangiinerlu Inuussutissarsiornermut Ataatsimiititaliamut ingerlateqqinneqassasut.

Teknikkimut ataatsimiititaliap aalajangernera:

Akuerineqarpoq, taavalu Aningaasaqarnermut Pilersarusiornermullu Ataatsimiititaliamut aamma Kommunalbestyrelsimut ingerlateqqinneqarluni.

Piffissarititaq sivitsorneqassaaq Kommunalbestyrelsip aalajangernissaata kingornanut

Inatsisitigut piumasaqaataasut tamarmik malinneqassapput. Sanaartornermut malittarisassat aamma pilersarusiornermut inatsit

Aningaasartai: soqanngilaq.

Pisortaanerit inassuteqaataat: Politikikkukut oqallinneq aalajangiinerlu, pequtigalugu aalajangersakkat malillugit illuaqarfiup nuunneqarneratigut aalajangersakkanut atuuttunut tunngatillugu siusinnerusukkut kommunalbestyrelse inatsisinut naapertuunngortitsinermit piumasaqaatit attassimmagut.

Aningaasaqarnermut Ataatsimiititaliap 09/19 aalajangernera: Kommunalbetyrelsimut akuerineqarnissaanik inassutigalugu ingerlateqqinneqassaaq, aammalu qinnuteqartut kinguarsarneqaaqqunagit allaffissornerlu pisariinnerulersikkumallugu borgmesteri suliassanik ataasiakkaat takkuttussanik suliaqarnissaanut piginnaatinneqassasoq.

**Aalajangerneq: Ole Jørgen Davidsen attuumassuteqarpallaarnini pillugu oqaluserineqarnerani peqataanngilaq. Siumumit, Inuit Ataqtigiinnit (sinniisusaaq Ole Mølgaard Motzfeldt kisimi pinnani) Atassummiillu akuerineqartoq. Ole Mølgaard Motzfeldtip imaqarniliamut ilanngukkumavaa massakkut aalajangiinissamut tunngavissaqannginnami, inatsisinillu malinnilerfiusunngortitsiniarnerup unioqqutitsiviunnginnera inatsisitigut nalilerteqqaarusukkamiuk.**

**IMM. 11 Nanortalimmi B-423-ip pisiarineqarnera**

Kommune Nanortalimmi INI-p allaffiutaata B-423-ip pisiarinissaanut periarfissaqarpoq. Teknikkimut ingerlatsiviup nammineq allaffiutimi allangortiternissaanut periarfissaqarluarpoq, allaffiit illup ataatsip iluanut ataatsimoortinnerisigut. Aqqusinilerisut allaffiat isuata aappaani. Qatserisartut pisortaat taavalu Teknikkimut Ingerlatsivik innuttaasunut saaffiginnittarfik isuata illuani. Taamatuttaaq kommunip allaffiata annerusumik kantiinaqalernissaa kissaatigineqarpoq, tassanittaaq Teknikkimut Avatangiisinullu Ingerlatsiviup illuutaa

Inassuteqaat: Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

Imaqarniliaq  
Kommunalbestyrelse – ileqquusumik ataatsimiinneq 04/2019

- B-423-p pisiarinissaanut qinnuteqaammut akuersisoqassasoq.
- Pisiniarnermut iluarsartuussinermullu 700.000 koruuninik ilassutitut aningaasaliis-suteqassasoq.
- Aningaasaqarnermut Ataatsimiititaliamut tamanna ingerlateqqinneqassasoq, malitsi-gisaanillu inaarutaasumik kommunalbestyrelsimi akuerineqarluni.

Inatsisit tunngavigisat: Kommunimut piginnaatitissut kiisalu missingersuusiortarnermut naatsorsuu-siortarnermullu inatsit ilassutitut aningaasaliissutit eqqarsaatigalugit

Aaqqiissutissatut siunnersuut – suliatigut naliliineq

Allaffiit ilaanni oqummut iluarsartuussisoqassaaq, allaffiullu immikkoortuata ilaa nutaamik aaqqis-suunneqassasoq.

Kisianni innersuutigineqarpoq kommunip Nanortalimmiittoq illu tigoriarlugu Teknikkimut Ava-tangiisinullu Ingerlatsivimmuut aaqqissuussaassagaat.

Aningaasatigut sulisoqarnikkullu naliliinerit

Kommunip illu pisiariguniuk aningaasatigut iluaqutertaqarnissaa Ingerlatsiviup nalilerpaa. Ingerlatsinermut tassa sarfamut, imermut uuliamullu aningaasartuutit ukiumut 50.000 koruunit missaaniinissaat naatsorsorneqarpoq.

INIp neqeroorutaa kr. 900.000

Uagut neqerooruterput kr. 700.000

Oqummut iluarsartuussineq kr. -200.000

Silataata qalipannera kr.-100.000

Katillugit kr 400.000

Teknikkimut Ingerlatsiviup innersuutigaa tapiliussatut aningaasaliissutit kommunip karsianiit tiguneqassasut.

Aningaasaqarnermik ingerlatsivimmiit pisortaanerniillu oqaaseqaatit: Suliaq ataatsimiititaliamut ingerlatinneqassasoq kaammattuutigineqarpoq.

Aalajangiineq: Akuersissutigineqarpoq.

Inatsisitigut tunngavigisaq: Kommunip piginnaatsitsinera

Aningaasartai: Kommune Kujalliup illumut neqeroorutai 400.000 koruunit

Pisortaanerit inassuteqaataat: Illu 400.000 koruunilerlugu pissarsiarineqarsinnaappat akuerineqassasoq inassutigineqarpoq.

Aningaasaqarnermut Ataatsimiititaliap 09-2019 aalajangernera: Akuerineqarnissaa kaammattuutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

**IMM. 12. TAMANUT AMMASUMIK TUSARNIAASARNERMUT TUNNGATILLUGU INGERLATSERIAASEQARNERUP ALLANNGUUTEQARTINNEQARNERA**

Pilersaarutitut inatsimmi takuneqarsinnaavoq pilersaarusiorneq najoqqutaralugu kommunimi illoqarfinni nunaqarfinnilu nunaminertat sorliit nunaminertamik atugassinneqartussat nalunaarutigineqarnissaat naatsorsuutigineqarnersut ingerlaavartumik tamanut ammasumik saqqummiutissallugit nunaminertanik oqartussat pisussaasut, tamatumunnga ilanngullugu sanaartorfissagissaanermi sumiiffiit ilaannik nutaanik ilanngussinissamut tunngatillugu ataqtigiinnermut attaveqarfiit pilersaarutaat.

Aammattaaq takuneqarsinnaavoq illoqarfinni nunaqarfinnilu nunaminertanik atugassiinnermut inaarutaasumik aalajangiisoqannginnerani kommunalbestyrelse pisussaasoq nunaminertamik atugassinneqarnissamik qinnuteqaat pillugu tamanut ammasumik ilisimatitsissuteqassalluni.

Unali minineqarpoq:

-”Qinnuteqaatigineqartoq sumiiffiup ilaanut aalajangersakkanut sukumiisunut naapertuuppat”, aamma

-Nunaminertat, illut, atortut nunaminertanilluunniit atuinerit allat, tassunga ilanngullugit nunaminertamik atuinerimik allannguneq imaluunniit illunik tunisinermut il.il. atatillugu atuisinnaatitaanermik tunniussinerit annikinnerusut imaluunniit pingaanninnerusut pineqartillugit,

Inatsisitigut tunngavigisaq: Inatsisartut inatsisaatnr. 17, 17. november 2010-meersoq, pilersaarusiorneq aamma nunaminertat atorineqartarnerat pillugit

Inassuteqaatigineqarpoq maannamiit Pilersaarusiornermut Inatsit kisiat aallaavigalugu Teknikkimut ingerlatsiviit pingasut tamarmik nunaminertanut qinnuteqaatit saqqummiuttassagaat.

Teknikkimut Ataatsimiititaliaq - Aalajangiineq:

Akuerineqarpoq, taavalu Aningaasaqarnermut Pilersaarusiornermullu Ataatsimiititaliamut aamma Kommunalbestyrelsimut paasissutissatut ingerlateqqinneqarluni.

Aningaasartai: soqanngilaq.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersaarusiornermut Ataatsimiititaliap 09-2019 aalajangernera: Akuerineqarnissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

**IMM. 13 ILLOQARFIMMUT PILERSAARUMMUT NUTAATUT ILASSUT QAARTITERUTAASIVIMMUT TUNNGASOQ**

Qaqortumi mittarfiliornissamat atatillugu (Saqqaarsuup Tasersuullu avannaa-tungaani) qaqqanik qaartiterinissaq kiisalu annertuunik sanaartornissaq pisariaqartussaavoq. Kommunimut ilassutitut pilersaarut manna sumiiffiup ilaanut tunngaviliisuvoq, tamannalu qaartiterutaasivittut ator-neqarsinnaalluni.

Juulimi 2020-miit oktobarip qaammataanut 2023-mut pilersaarutitut tunngatillugu piffissami sanaartorfiussami qaartiterisoqangaatsiartussaavoq. Taamaammatt qaartiterutaasiviliornissaq kissaatigineqarpoq, tassanilu qaammatit pingasut tikillugit ator-neqarsinnaasunik toqqorsiviusinna-assalluni, taamaalilluni qaartiterinissaq kipsisuitsumik ingerlassinnaaniassammat, allaallu sikorsu-aqariataassagaluarpas.

Taamaammatt pilersaarummi sumiiffiup ilaani E7-imi sanaartuinerup nalaani utaqqiisaagallartumik qaartiterutaasiveqarnissaq ilanngunneqarpoq, kommunimullu pilersaarummi nunap ilaa tamanna teknikkikkut atortunut ator-neqarsinnaavoq, tamaanilu qaartuujaasunik atortunillu assigiinngitsunik toqqorsiveqarnissamik periarfissaqarluni. Kommunimut ilassutitut pilersaarummi sanaartorfissat peqqissaartumik attuumassutilinnik peqqussutitallit aalajangersarneqassapput.

Inatsisitigut tunngaviit:

Pilersaarusiorneq aamma nunaminertat ator-neqartarnerat pillugit Inatsisartut inatsisaat nr. 17, 17. november 2010-imeersoq

-Qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersoq

Teknikkimut Ataatsimiititaliap akueraa innersuussutigalugulu:

Teknikkimut Avatangiisinullu Ataatsimiititaliap "Kommunip pilersaarusiordfigineqarnerani tapilius-saq nr. 5 Kommunimut Pilersaarummut atatillugu mittarfissap eqqaani qaartiterutaasiveqarnissamat siunnersuut" akuerissagaa.

Teknikkimut Avatangiisinullu Ataatsimiititaliap Kommunip pilersaarusiordfigineqarnerani tapilius-saq nr. 5 akuererpagu Kommunip pilersaarusiordfigineqarnerani tapilius-saq nr. 5 Aningaasaqarner-mut Ataatsimiititaliamut aamma Kommunalbestyrelsimut ingerlateqqissagaa akuerineqarnissaalu inassutigalugu.

"Kommunip pilersaarusiordfigineqarnerani tapilius-saq nr. 5 mittarfissap eqqaani qaartiterutaasiveqarnissaq" Kommunalbestyrelsimut akuerineqareerpat sap. akunnerini 8-ni tamanut ammasumik tusarniaassutigineqassasoq, kiisalu illoqarfinni najukkani aviisitigut, kommunip nittartagaatigut Facebookkikkullu nalunaarutigineqassasoq. Taamaaliornikkut Kommunalbestyrelsip nunaminertanik atugassiisarnermut atatillugu paasissutissat innuttaasunut sapinngisamik amerlanerpaanut apuutissavaa.

Aningaasartai: soqanngilaq.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersaarusiordnermut Ataatsimiititaliap 09-2019 aalajangerera: Akuerineqar-nissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

**IMM. 14. 2017-IMIIT 2028-MUT KOMMUNIP PILERSAARUSIORFIGINEQARNERANI  
TAPILIUSSAQ NR. 4 QAQORTUMI MITTARFIK**

Nunatsinni angalannikkut attaveqaatit pitsanngorsarneqarlutillu ineriartortinneqarnissaannik taamalu innuttaasut inuussutissarsiortullu pitsaanerpaamik sullinneqarnissaannik Naalakkersuisut kissaatigarput. Taamaammattim timmisartut suluusallit atorlugit Qaqortup toqqaannartumik sullinneqarsinnaanissaa kissaatigineqarpoq.

Inatsisitigut tunngaviit:

Pilersaarusiorneq aamma nunaminertat atorneqartarnerat pillugit Inatsisartut inatsisaatnr. 17, 17. november 2010-imeersoq

- Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasagaatit pillugit Inatsisartut inatsisaat nr. 4, 22. november 2018-imeersoq Qaqortumi mittarfiliornissamut ingerlatsinissamullu tunngavik inatsisikkut tassuuna aalajangersarneqarpoq.

- silaannakkut angallanneq pillugu inatsit, tak. nalunaarut nr. 959, 12. september 2011-imeersumi §68. Sanaartukkanik inissiineq atuinerlu imaluunniit timmisartoqarfiup iluani namminermit suut allat timmisartut isumannaassusiinut tunngassuteqartut nalunaarutikkut tassuuna malittarisasaqartinneqarput.

Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-eersoq, Kap. 5. Mittarfiit inatsisip taassuma ataaniipput. Mittarfiliortoqassappat § 19 naapertorlugu pi-umasarineqarpoq Naalakkersuisut akuersissummik immikkut ittumik tunniussaqaassat.

- Pinngortitamik illersuineq pillugu Inatsisartut inatsisaat nr. 29, 18. december 2003-meersoq Pinngortitamut Avatangiisinullu Naalakkersuisoqarfik naliliivoq mittarfik sananeqassappat inatsimmi tassani § 41 naapertorlugu pinngortitamut kingunissaanik naliliineq suliarineqartussaavoq.

Qaqortumi imeqarfimmut killeqarfimmut maleruagassat immikkut ittut pillugit Namminersorlutik Oqartussat nalunaarutaat nr. 11, 1. juni 2016-imeersoq

Teknikkimut Ataatsimiititaliap makku innersuussutigai:

- Kommunimut pilersaarummut ilassut nr. 4-tut siunnersuut Qaqortup mittarfianut atuuttoq Teknikkimut Avatangiisinullu Ataatsimiititaliap akuerissagaa
- Kommunimut pilersaarummut ilassut nr. 4 Teknikkimut Avatangiisinullu Ataatsimiititaliap akuerereeruniuk Aningaasaqarnermut Ataatsimiititaliamut Kommunalbestyrelsimullu akueqqullugu kaammattuutigissagaa.
- Kommunimut pilersaarummut ilassut nr 4-tut siunnersuut Qaqortup mittarfianut atuuttoq Kommunalbestyrelsimi akuerineqareeruni sapaatit akunnerini arfineq-pingasuni tamanut ammasumik kiisalu illoqarfiit tusaataanni kiisalu kommunip nittartagaani facebookianilu tusarniaassutigineqassasoq. Taamaaliornikkut Kommunalbestyrelsip nunaminertanik atugas-sisarnermut atatillugu paasissutissat innuttaasunut sapinngisamik amerlanerpaanut apuutis-savaa.

Aningaasartai: soqanngilaq.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersaarusiornermut Ataatsimiititaliap 09-2019 aalajangernera: Akuerineqar-nissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

### **IMM. 15 KOMMUNIT ATAATSIMUT EQQAGASSALERIVIAAT - SIULITTAUP AALA-JANGINERA**

Suliap saqqummiunneqarnera:

#### **Suliassamik eqikkaaneq**

2017-imi upernaakkut suleqatigiissitat pilersinneqartut innersuussinerisigut, Naalackersuinikkut Ataqtigiissaarisartoqatigiit (PKG) septembarip 25-anni 2018 ataatsimiinneranni, Kalaallit Nunaan-ni kommunit ataatsimoorussamik eqqakkanut tunngatillugu iluarsiissuteqarnissaat pillugu suliap ingerlatseqqinneqarnissaa aalajangiunneqarpoq.

Aningaasaqarnermut Inuussutissarsiornermullu Ataatsimiititap kommunit ataatsimoorussamik eqqakkanut ingerlatseqatigiiffiornissaat novembarip 19-ianni 2018 akuersissutigaa, suliarlunni Kommunalbestyrelsimut ingerlateqqillugu, tassanilu novembarip 29-ani 2018 inassuteqaatigineqartoq akuersissutigineqarluni.

Suliassamik saqqummiussissummi matumani ingerlatseqatigiiffimmi 2019-imi ukiup affaani siul-lermi suliap killiffissiorneqassapput siunissamilu suliassarpassuit, 2020-milu aasakkut ingerlatsineq aallartissappat pisariaqartumik tulliatut alloriarfissat nassuiaatigineqassapput, taakkununga ilann-gullugit aningaasalersuinissamut siunnersuutit akuersissutigineqassallutik.

Siulittaasup aalajangiinera taanna pillugu teknikkimut avatangiisinullu ataatsimiititaliap 29.08.2019 ataatsimiinnermi ilisimatinneqarpoq.

#### **Inassuteqaat**

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliap siulittaasuanut inassutigineqarpoq:

- nammineq aningaasaatissatut aningaasaliissutit 2,5 mio. kr.-iusut 2020.2021, 2022 aamma 2023-mi akuerineqassasut
- suliap inaarutaasumik akuersissutigisassanngorlugu Kommunalbestyrelsimut ingerlateqqin-neqassasoq

#### **Suliap saqqummiunneqarnera**

Kommunit februaarip 21-ani 2019 kommunit ataatsimoorussamik eqqakkanut ingerlatseqatigiiffiat ESANI A/S pilersippaat (Eqqaavilerinermut, Sulisoqarnermut, Atoqqiinnermut Nukissiuuteqarner-mullu Ingerlatseqatigiiffik).

ESANI A/S aktienik piginneqatigiiffittut pilersinneqarpoq, kommuninit 5-init pigineqartoq.

Imaqarniliaq  
Kommunalbestyrelse – ileqquusumik ataatsimiinneq 04/2019

Kommunit ataasiakkaat tamarmik immikkut siulersuisuni ilaasortaatitaqarput, ukuusunik:

- *Kommuneqarfik Sermersooq – Lars Møller Sørensen (siulittaasoq)*
- *Qeqqata Kommunian – Paneeraq Olsen (siulittaasup tullia)*
- *Kommune Qeqertalik – Hans Peter Poulsen*
- *Avannaata Kommunian – Anthon Frederiksen*
- *Kommune Kujalleq – Kim Dahl*

Frank Rasmussen 2019-imi aallarnisarfimmi selskabimi pisortatut toqqarneqarpoq.

Kommunini ataatsimoorussamik eqqagassanut tunngatillugu iluarsisuteqarnermi aallaaviatigut ikuallaavinnik marlunnik angisuunik, Nuummi Sisimiuni inissisimasussanik sanaartortoqassaaq. Eqqagassalerivinni marluusuni Nunatsinnit tamaneersunik eqqagassanik suliaqarfiussapput.

Ikuallaaviit Sisimiuni Nuummilu inissisimanissaannik aalajangernermit pissutaavoq, sumiiffiit takku marluk Nunatsinni kissamik pilersitsiortuineq nukissamik (kissaq) tamarmi ukioq kaajallallugu ungasianit kiassarnermut aqutini pioreersuniit pilersinneqarsinnaammat. Taamaalilluni naatsorsuutigineqarpoq (kissaq) nukissiuutitut atorneqarumaartoq kissarlu taamaasilluni isertitsissutaasinnaassaq, ikuallaavinnik ingerlatsinermik akileeqataassutaasussanik.

Tassunga atatillugu oliakumik ikuallaavinnik Qaqortumi, Maniitsumi Aasiannilu pilersitsisoqassaaq. Oliakumik ikuallaaviit Nunatsinni oliakup annertussusanik tamakkiisumik nukissamik (kissaq) pilersitsiffiussapput, illoqarfinni taaneqartuni kiassarnermik pilersuinermit ilaatinneqassallutik.

Ingerlatseqatigiiffiup isumagissavai:

- Nunatsinni illoqarfinni nunaqarfinnilu eqqagassanik tamanik assartuineq igitsinerlu
- Eqqagassanik ikuallajasunik inissiigallartarneq
- Eqqagassanik ikuallajasunik avatangiisinut akornutaanngitsumik ikuallaaneq
- Kissamik tuniniaaneq

### **Killiffik**

Piffissami sivikitsuararsuarmi sulisoqarpoq, naatsorsuutigineqarlunilu 2020-mi aasakkut Nuummi eqqakkanut inaaliigallartarfimmik pilersitsisoqassaq (eqqakkanut inaaliigallartarfik), kinguinnguagullu Sisimiuni. Taamaasilluni ikuallaavissanut immikkuualuttunik pilersaaruserit, aammalu oqartussanit suliarineqarnissaanut aallarnissaataasumik suliniutissat VVM-imullu nasuiaatissat suliarineqaleruttorput.

Nuummi ikuallaavik tassungalu atasumik inaalitsiviugallartussap Qeqertani sananeqarnissaat naatsorsuutigineqarpoq, kisianni illoqarfiup ilaanut pilersaarutip atuuttup sanaartugassanik taakkuninnga imaqarnissaanik allanngortinnissaa pisariaqassalluni.

Sisimiuni inissiiffissat marluk periarfissaapput. Ikuallaavissaq tassungalu atatillugu inaalitsiviugallartussaq ujaqkerivimmi imaluunniit Kangerluarsunnguup paavani inissinneqarsinnaapput. Sisimiuni inissiiffissatut naleqqunnerusorisamik toqqaanissaq kingusinnerpaamik septembarip naalernerani piimaartoq naatsorsuutigineqarpoq.

Aamma oliakumik ikuallaasarfiup sumi inissinneqarnissaa sulissutigineqarpoq.

Kommunit ataatsimoorussamik eqqagassalerinermit periusissiaat iluatsilluassappat, pitsaasunik assartuussinermi aqqissuussisoqarnissaa pingaaruteqarpoq. Ullumikkut eqqagassat RAL-imit as-

sartorneqartarput, kisiannili poortuutissatigut tunniussinermilu piumasaaqatit sakkortusinerisigut allatut eqqarsartoqarnissaa paasinarsisinneqarpoq. Taamaasilluni ESANI assartuussinermut tunnga-tillugu immikkut ittumik akuerineqarpoq, taamaasillutik eqqakkat tamarmik suulluunniit (2019-ip sinneranut) RAL-ip umiarsuaatai pinnagit umiarsuarnit allanit assartorneqarsinnaalerlutik. Misi-ligutigalugu Tasiilap, Paamiut, Ummannap Upernaviullu eqqaaniit umiarsuit allat atorlugit ukioq manna eqqagassanik aallertoqassaaq. Misiliinernit taakkunannga misilittakkat ukioq manna kin-gusinnerusukkat naliliiffigineqassapput.

### **Aningaasalersuineq**

Manna tikillugu kommunit katillugit 2 mio kr-nik aallaqqaasiuteqarput ESANI-mi inger-latseqatigiiffiup aningaasaatissaanik. Aallaqqaasiutit kommunini agguataarneqarput, tamarmik immikkut 400.000 kr.-nik aallaqqaasiuteqarlutik.

Namminersorlutik Oqartussat ikuallaavissat oliakumillu ikuallaavissat immikkuualuttunik pilersaa-rusiornissaannut 6 mio kr-nik aningaasaliissuteqarput.

Ikuallaavissat sukkasuumik ingerlanneqalernissaat pisariaqarpoq, tassami kommunit ullumikkut eqqakkanik suliaqartarnerminni assorsuaq tatisimaneqarmata. Eqqagassanik inissiigallartarfissaq siulleg 2020-mi aasakku atuutilernissaat naatsorsuutigineqarnissaa sulissutigineqarpoq. Aamma oliakumik ikuallaavissap siulliup 2020-ip naanerani (Qaqortoq) piareernissaa naatsorsuutigineqar-poq, aammalu Sisimiuni ikuallaavissap sananeqarluni aallartinnissaa aprili 2020-imi taavalu Nu-ummiittussap ukioq ataaseq qaangiuppat sananeqarluni aallartittussatut naatsorsuutigineqarluni. Piffissamik pilersaarut ingerlalluarnissaalu allanngortinneqassanngippata, kisianni selskabimik piginnittut (kommunit) kingusinnerpaamik oktobarip 1-ani 2019-imi neriorsuuteqartinnissaat nam-minerlu aningaasaatinik ilasinissaat pisariaqarpoq.

Kukkunersiuisut Deloitte isumasioreerlugit ESANI A/S-imi pisortaqatigiit naliliipput, suliffeqar-fimmik piginnittunut aningaasatigut pisariaqartitat ukiut 5-t ingerlaneranni agguataarlugit katillugit 50 mio kr-nik amerlassuseqartut (2019-2023). Ingerlateqatigiiffimmi piginnittut katitigaanerat taamaaginnassappat tassa kommunit tamarmik immikkut selskabimi 1/5 pigalugu, taava kommunit tamarmik immikkut 10 mio kr-nik akileeqataassapput (takuuk ilanngussaq 4)

Ingerlatseqatigiiffimmut aningaasaleeqataasussanit, aningaaserivinnit aammalu aningaasaliisartunit akileeqataasinnaanngortinnagit nammineq pigalugit aningaasaatit inisseriissapput.

Namminersorlutik Oqartussat assigiimmik nalunaareerput, kommunit aallaqqaasiutaasa amer-laqataannik aningaasaliissuteqarniarlutik 50 mio kr-it tikillugit sanaartornermut tapiissuteqarniarlu-tik 1-mut 1. Taamaasilluni Namminersorlutik Oqartussat ukiut tallimat tulliuuttut ingerlaneranni 50 mio kr-nik aningaasaleeqataannissaat naatsorsuutigineqassaaq.

Maannakkorpiaq naatsorsuutigineqarpoq sanaartornissamut aningaasaliissuteqarnissamut katillugit 400 millionit koruunit missingi pisariaqartinneqassasut.

Aaqqiissutissatut siunnersuut – suliatiqut naliliineq

ESANI-mi pisortaqatigiit siulersuisullu kommuninut 5-nut tamanut imaattumik innersuussuteqar-put:



1. kommunit katillugit 50 mio. kr.-nik aallaqqaasiutitut akiliuteqassasut (kommunitumut ataatsimut 10 mio. kr)
2. kommunit ataasiakkaat aalajangissagaat aningaasalersuineri periarfissat 3-t ataaniittut sorleq atorineqassanersoq:
  - Aallaqqaasiut ataatsikkut akilerneqassaaq
  - Aallaqqaasiut ukiut 4-t ingerlaneranni akilerneqassaaq ukiumut 2,5 mio. kr.-nik akiliisarnikkut
  - Aallaqqaasiut ukiut 5-t ingerlaneranni akilerneqassaaq ukiumut 2 mio kr.-nik akiliisarnikkut
3. aningaasalersueriaasissatut periarfissaq kingusinnerpaamik oktobarip 1-ani 2019 kommunit aalajangissagaat

*Aningaasaqarnikkut sulisoqarnikkullu naliliinerit*

Ingerlatseqatigiiffik aktienik piginneqatigiiffittut pilersinneqarpoq, tassungalu kommunit taarsigasarsineri aningaasaatinik akisussaaffigalugit akileeataassapput. Piginneqatigiiffimmut tunngatilugu aningaasartuutit kommuninut agguataarneqarnissaat piginneqatigiiffiup pilersinnerannut kommunillu allat oqaloqatiginerisigut qulaajarneqassapput.

Ataatsimoortumik eqqagassalerinermut iluarsinikkut annertuumik ingerlatsinikkut assigiingitsutigut iluaqutaasinnaavoq, siunissamilu eqqagassalerisarneq ajornannginnerulerluni. Maannakorpiaq kommunit eqqakkanut tonsimut ataatsimut 1700-2000 kr-it missaannik aningaasartuuteqartarput. Assersuutitut naatsorsuutigineqarpoq, kommunit ataatsimoorussamik eqqagassalerineri aqqissuussineranni akit tonsimut 1064 kr aamma 175 kr-nik akeqassasut.

*Inatsisitigut tunngavigisat allagaatillu tunngaviliiviusut*

- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.
- Ilanngussaq 3 – Ingerlatseqatigiiffiup maleruagassai

*Ingerlariaqqinnissaq*

Kommunit 5-t aningaasalersuinissamut periarfissamik toqqaareerpata, kommunit takornanni isumaqatigiissutissamik ilusilersuisoqassaaq.

*Pisortaanerit oqaatigiumasaat*

**Siusinnerusukkat aalajangerneq**

*Teknikkimut ataatsimiititaliap 9. november 2018 aalajangernera:*

*Inassuteqaatit akuerineqarput.*

*Aningaasaqarnermut ataatsimiititaliap aalajangernera 19. november 2018-imeersoq:*

*Inassuteqaatit akuersissutigineqarput.*

*Kommunalbestyrelsip aalajangernera 28. november 2018-imeersoq:  
Inassuteqaat akuerineqarpoq.*

**Innuttaasunik peqataatitsineq/attaveqaqatigiinneq**  
Soqannilaq.

**Ingerlatsivinnit allaniit oqaaseqaatigineqartut**

ESANI A/S-imi sulinerup killiffia Teknikkimut Avatangiisinullu Ataatsimiititami aalajangersi-  
masumik ilisimatitsissutitut siunissami ilanngunneqartalissaaq.

**Aalajangiineq**

akuerineqarpoq

-Siulittaasup aalajangerneranik taassuminnga siulittaasoq teknikkimut avatangiisinullu ataatsimiiti-  
taliatut 29.08.2019-imi ataatsimiinnermi ilisimatitsissuteqarpoq.

**Ilanngussat**

1. Killiffik
2. Nuummi ikuallaavik
3. Sisimiuni ikuallaavik
4. Nunatsinni eqqakkanik ikuallaaviit aamma oliakumik ikuallaaviit (PowerPoint)

Inatsisitigut tunngavigisaq: Kommunimut piginnaatitsissut

Inatsisitigut tunngavik: Aningaasaliineq eqqarsaatigalugu Missingersuusiortarnermut naatsorsuusi-  
ortarnermullu inatsimmi § 23

*Aningaasartai: katillugit kr. 10 mio. ukiuni 2020 – 2023*

Pisortaanerit inassuteqaataat: 2020-mut missingersuuini ukiunilu missingersuusiorallarfiusuni akue-  
rineqassasoq inassutigineqarpoq.

Aningaasaqarnermut Pilersaarusiortarnermullu Ataatsimmititaliap aalajangernera 10/2019: 2020-  
mut missingersuutini kiisalu ukiuni missingersuusiorallarfinni aningaasat missingersuutitut  
ilanngunneqarnissaannik inassuteqarluni kommunalbestyrelsimut ingerlateqqinneqassasoq.

**Aalajangerneq: Akuerineqarpoq, kisiannili 2020-mut ukiunullu missingersuusiorallarfinnut  
missingersuutit aappassanneerineqarneranni kommunip akileeqqataassutai ukiuni 4  
imaluunniit 5-ini akilersorneqassanersut isummerfigineqassaaq.**

**IMM. 16. INISSIANUT PILERSAARUT**

Kommune Kujalleq illoqarfinni nunaqarfinnilu inoqarnermut pilersaarummik suliaqaqqammivoq.  
Ineqarmut pilersaarut aningaasaqarnermut ataatsimiititaliamut kommunalbestyrelsimullu saqqum-  
miunneqareeruni Namminersorlutik Oqartussanut nassiunneqassaaq, tassanilu ineqarnermut pilers-  
aarutitut tamarmiusunut ilanngunneqassalluni kiisalu Namminersorlutik Oqartussat inissiaataasa  
kommuninut tunniunneqarsinnaanerit pillugu oqaloqatigiinnermi ilanngullugu atorineqassalluni.

Inatsisitigut tunngavigisaq: Kommunimut piginnaatitsissut

Aningaasartai: Pilersaarumi nassuiarneqartutut, taamaammatt kommunip missingersuusiortarnerini kaammattuutit siunissami piareersimaffigineqassapput.

Pisortaanerit inassuteqaataat: Ineqarnermut pilersaarut akuerineqassasoq kommunalbestyrelsimullu ingerlateqqinneqassasoq.

Aningaasaqarnermut Pilersaarusiornermut Ataatsimiititaliap 10-2019 aalajangenera: Akuerineqar-nissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

### **IMM. 17. NEQI A/S-IP TOQORAAVIMMIIT EQQAKKANIK MATOORUSSIVISSAQ NUTAAQ**

Ukiut arlallit ingerlaneranni toqoraanerup ingerlanerani Neqi A/S toqoraanermi igitassanut utaqqiisaagallartumik nunaminertanik assaaffissianik atugassinneqartarsimavoq. Assaatitsinermik matuminnga akuersissummik tunniussineq immikkoortut ilaanni kommunimut pilersaarummi nunami sanaartorfigeqqusaanngitsutut toqqakkamiippoq sunngiffimmullu atugassiaalluni, tassalu nunami sukisaarsarfissatut toqqakkami. Taamatut aalajangiisimaneq kommunimut pilersaarummut atuuttumut akerliummat nunallu ilaani assaanikkut ajoqutit naleqqutinngitsut peqquutigaligit Namminersorlutik Oqartussani Avatangiisinut Naalakkersuisoqarfimmiit arlaleriarluni akerlilerneqartarsimavoq.

Inatsisitigut tunngavik:

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Avatangiisinut inatsimmi kapitali 5

Pissutsit atuuttut

Maannakkut ingerlatsivik Narsami Neqi A/S suleqatigalugu pissutsinik allannguivoq, taamaalilluni toqoraanermi pisariaqartumik igitassanik assaaneq kommunimut pilersaarummut atuuttumut akerliujunnaarsinneqarluni, nunallu ilaani kommunimut pilersaarummi sukisaarsartarfissatut siunertanut toqqakkami ajoqutaajunnaarsillugu. Taarsiullugu sumiiffiup ilaani 300-B14-imi nunaminertamik atugassiisoqarpoq, kommunimullu pilersaarummi tamanna toqqarneqarsimavoq Nunap ilaani inuus-sutissarsiortunut atugassiassami, pingaarnermik nerisassanik tunisassiornermut tunngatillugu. Immikkoortut ilaat tamanna eqqaavissuarmut uiggiussimavoq, qattornup avannaani kangiani inissisimalluni.

Nunaminertamik atugassiineq misiligutaasumik ukiuni pingasuni atuutsinneqassaaq, assaassinerillu ukiumut kaaviaartitsinikkut ingerlanneqartassallutik, asiutitsiniarnermilu piffissaq atorneqartoq eqqarsaatigalugu qulakkeerneqassalluni aatsaat ukiut sisamat qaangiukkaangata sumiiffimmi pineqartumi assaaqqittoqarsinnaalluni. Nunap ilaa ungalulerneqassaaq, parnaarneqarluni qas-sutaasanillu qallerneqassalluni, toqoraanermi eqqakkat timmissanit siaruartiterneqannginniassam-mata.

Piujuartitsineq:

Nunap ilaani ingerlaarfigineqarsinnaasumik aqqusineqarpoq, taamaalilluni Neqi A/S-ip ukiumi toqoraaviusumi 2019-imi nunaminertaq siulleg atorsinnaalereerniassammagu. Toqoraanermi igitasat assaanneqartut saanngutinngortinneqassapput siusinnerusukkullu eqqagassat uumassuseqartunersut peqqutigalugit ersarissorujussuupput, peqqutigalugu nunap ilai maannakkut naasunik qallerneqarsimmata. Siunissami issoq taanna annikitsunguanngorlugu naggorissaatitut atorsinnaavoq.

Aningaasaqarnikkut sulisoqarnikkullu naliliinerit

Taamatut aqqissuteqarneq kommunimut aningaasartuutaassanngilaq, peqqutigalugu nunap ilaa tamakkiisumik tikikkuminartuummat amma peqqutigalugu Neqi A/S-ip nunap ilaata ungalulersornissaanut qulakkeerneqanissaanullu aningaasartuutit nammineq isumasisussaammagit.

Allaffeqarfiup naliliinera:

Ingerlatsivik naliliivoq aqqineq tamanna aqqutigalugu Neqi A/S-ip pisariaqartitai isumagineqartut, innuttaasut (nunap ilaata sukisaarsarfissatut attatiinnarneqarnera) aamma kommunimut pilersaarut (pilersaarummik allannguisoqanngimmat).

Inassuteqaat

Suliaq paasissutissatut ataatsimiititaliaannarmut saqqummiunneqassaaq paasissutissatullu Aningaasaqarnermut Ataatsimiititaliamut Kommunalbestyrelsimullu ingerlateqqinneqartariaqarlunisaaq.

Aalajangiineq

Immikkoortoq ilisimatitsissutitut tiguneqarpoq.

Ilanngussaq:

Nunap assinga ataaseq immikkoortut ilaannut 300-B14-mut aamma 300-D8-mut ersersitsisoq.

Inatsisitigut tunngaviit:

Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Avatangiisinut inatsimmi kapitali 5

Aningaasatigut kingunissai:

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersaarsuionerimut Ataatsimiititaliap 10-2019 aalajangernera: Namminersorlutik Oqartussat peqataatinneqarnissaat tusarniaasoqarnissaalu naatsorsuutigalugu akuerineqarnissaanik inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

## **IMM. 18. EQQAGASSALERINEQ PILLUGU ILEQQOOREQQUSAT NUTAAT**

Kommunip eqqagassalerinermut maleruaqqusai Teknikkeqarfimmit allanngortinneqarput, soorlu inuussutissarsiortut eqqagassaataannut maleruaqqusat kiisalu angerlarsimaffinniit eqqassat pillugit maleruaqqusat allanngortinneqarlutik, tamatumuunakkullu eqqagassanik immikkoortiterisarnermut passussinermullu piumasaqaatit nalitsinnut naleqquttut suliarineqarnissaat siunertarineqarpoq.

Maleruaqqusat Namminersorlutik Oqartussani inatsisilerinikkut misissorneqareerput, maannalu ammasumik tusarniutigineqannginnermini Teknikkimut Avatangiisinullu Ataatsimiititaliamit, Aningaasaqarnermut Ataatsimiititaliamit kiisalu Kommunip Ataatsimiititaliaanit akuerineqarnis-saminut piareerlutik.

*Allannguutit malunnaateqarnerusut eqqarsaatigalugit*, Inuussutissarsiortut eqqagassaataannut ileqqoreqqusani, makku erseqqissarneqarsinnaapput:

- Piumasarineqarpoq suliffeqarfiit aalajangersimasumik adresseqaratik kommunimi nunaqarfiit ilaanni ittut, aammalu kommunip nunaqarfiisa ilaanni eqqagassiortuusut, kommunalbestyrelsimut nalunaarnissaminnik pisussaaffeqassasut eqqagassalerinermut akiliutit allallu akilersinniarneqartarnissaat siunertaralugu. Tassunga taarsiullugu suliffeqarfik kommunimut isumaqatigiissuteqarluni eqqagassanik nunaqarfimmiit aallarussisitsisarsinnaavoq, eqqagassalerivinnilu akuerisaasuni allani eqqagassat suliaritissinnaallugit.
- Piumasarineqarpoq suliffeqarfiit nunanit allaneersut, Kalaallit Nunaanni aalajangersimasumik adresseqanngitsut, Kommune Kujallermi eqqagassanik pilersitsiviusumik suliaqartut, Kommunalbestyrelsimut nalunaarnissaminnik pisussaaffeqassasut eqqagassalerinermut akiliutit allallu akilersinniarneqartarnissaat siunertaralugu.
- Eqqagassaasiviit inissinneqarnissaat pillugu aalajangersimasunik piumasaqaateqartoqarpoq, soorlu: silissusii, qaammaqqusersorneri il.il. kiisalu illuni nutaani eqqagassaasivimmut aqquutit tummerartaqassanngitsut.
- Kommunip eqqagassalerivianut eqqakkat tunniunneqartut annertussusii pillugit nalinginnaasunik sakkortusisanik piumasaqaateqartoqarpoq.
- Qamutit motorillit angallatillu atorunnaartut pillugit aaqqissuussinerit aalajangersimasut ilanngunneqarput, taakkunuunalu kommunip eqqagassaleriviinut tunniunneqartigatik avatangiisit eqqarsaatigalugit piareersarneqarnissaannut annertusisanik piumasaqaateqarpoq.

*Allannguutit malunnaateqarnerit* Angerlarsimaffinni eqqagassat pillugit maleruaqqusani ittut, makku erseqqissarneqarsinnaapput:

- Eqqagassaasiviit inissinneqarnissaat pillugu aalajangersimasunik piumasaqaateqartoqarpoq, soorlu: silissusii, qaammaqqusersorneri il.il. kiisalu illuni nutaani eqqagassaasivimmut aqquutit tummerartaqassanngitsut.
- Angerlarsimaffinniit eqqagassat amerlanerugaangata saniatigut igitassat pillugit aaqqissuussineq nutaaq ilanngunneqarpoq. Inoqutigiiit eqqagassarpassuaqarpata Sullissivimmiit puussiarsisoqarsinnaavoq allassimasunik "Immikkut igitassat". Eqqagassalerisup puussiat taakku ilanngullugit tigussavai.
- Aasarsiortarfinni, illuaqqani allanilu kommunimi illoqarfiit nunaqarfiillu iluini ittuni eqqagassat pillugit aaqqissuussinerit aalajangersimasut ilanngunneqarput. Illuutit immik-

Imaqarniliaq  
Kommunalbestyrelse – ileqquusumik ataatsimiinneq 04/2019

koortuni tassani ittut eqqagassat katersorneqartarnerinut iginneqartarnerinullu aalajangersi-masumik akiliisassapput, eqqagassalerisorlu piffissap aalajangeriikkap iluani eqqagassanik tiguisassalluni pisussaavoq.

- Eqqagassat annertuut kiisalu sanaartorfinniit eqqagassat pillugit aaqqissuussinerit aalajangersimasut ilanngunneqarput. Aaqqissuussinikkut aalajangerneqarpoq sanaartornermit eqqagassanik eqqagassanillu angisuunik, angisuunik igitsisanerit atuuttut avataaniittunik, igitsinermit innuttaasut akiliisassasut.
- Kommunip eqqagassalerivianut eqqakkat tunniunneqartut annertussusii pillugit nalinginnaasunik sakkortusisanik piunasaqaateqartoqarpoq.
- Qamutit motorillit angallatillu atorunnaartut pillugit immikkut aaqqissuussisoqarpoq immikkut akiliinertalinnik. Taakku kommunip eqqagassalerivianut iginnginnerini avatangiisigtigut piareersarneqarnissaat annertusisamik piunasaqaateqarfiupput.
- Igalaamerngit qillertuusallu pillugit aaqqissuussinerit atuuttut pillugit annertusisanik piunasaqaateqarpoq, tassanilu illut namminerisat tamarmik immikkut akiliisinneqartalissapput aaqqissuussinermit kommunip aningaasartuutaanik matussutissanik.
- 

*Inassuteqaat*

Teknikkimut Avatangiisinullu Ingerlatsiviup Teknikkimut Avatangiisinullu Ataatsimiititaliamut inassutigaa uku akuereqqullugit: *Inuussutissarsiortut eqqagassaataat pillugit ileqqoreqqusat, Kommune Kujalleq 2020* aamma *Angerlarsimaffinniit eqqagassat pillugit ileqqoreqqusat, Kommune Kujalleq 2020*.

*Inatsisitigut tunngaviit:*

- Avatangiisit innarlitsaaliorneqarnissaanik Inatsisartut inatsisaanni nr. 9, 22. november 2011-meersoq § 36, imm. 3
- Igitassanik eqqaasarneq pillugu Namminersorerullutik Oqartussat nalunaarutaanni nr. 28, 17. september 1993-imeersumi § 18
- Oliakunit akuutissanillu eqqagassat pillugit Namminersorerullutik Oqartussat nalunaarutaanni nr. 29, 17. september 1993-imeersumi § 17, imm. 1 aamm 2

*Aningaasaqarneq:*

Kommunimut aningaasartuutaanngilaq.

*Pisortaanerit:*

Teknikkimut Avatangiisinullu Ataatsimiititaliaq - AALAJANGIINEQ

Missingiutit siunnersuutitallit APA-mut KB-mullu nassiunneqassasut tamatumalu kingorna innuttaasunut inuussutissarsiortunullu paasissutissiinertalimmik tusarniaassutigineqassaaq oqaloqatiginnertalimmik. - sapaatit akunnerini 6-8

*Inatsisitigut tunngaviit:*

Aningaasaqarnikkut kingunissat: Aningaasartuutinut allannguutaanngitsoq

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersarusiornermut Ataatsimiititaliap 10-2019 aalajangerera: Kommunalbestyrelsimut akuerineqarnissaannik kaammattuutitalimmik nassiunneqassasoq, tassani kissaatigineqarpoq eqqakkat igalaaminiusut qanoq pineqartassanersut qaammarsarneqassasoq, taammaammat teknikkimut pisortaq kommunalbestyrelsit ataatsimiilerpata ataatsimeeqataasussatut aggersarneqassaaq.

**Aalajangerneq: Akuerineqarpoq, kommunalbestyrelsillu kissaatigaa innuttaasut suliffeqarfyllu sukumiisumik kisiannili paasinartumik paasititsiniaavigineqassasut. Inuit Ataqtigiit kissaateqarput piviusunngortitsinermut atatillugu ikaarsaariarfiliisoqassasoq.**

**IMM. 19. QAQORTUMI QUMMUMI NAMMINERSORLUTIK OQARTUSSAT INIS-  
SIALIORNERANNI KOMMUNIMUT PILERSAARUMMUT TAPILIUSSAP  
ATORTINNEQANNGINNISSAANIK AKUERSINEQ**

**2019 – 2004-miit 2014-imut Qaqortup Kommunerisimasaata pilersaarutaani kommunimut ilassutitut pilersaarummi nr. 10-mi immikkut akuerisassaq, tassalu Qummumi Namminersorlutik Oqartussat inissianik 12-nik sanasoqarnissaanut tunngatillugu sanaarforfissamik qinnuteqaat**

Qummumi immikkut illuliornissamut tunngatillugu Namminersorlutik Oqartussaniit ingerlatsivik nunaminertamik qinnuteqaammik allagarsivoq, taannalu Qummumi inissiarsuup pioreersup uiguutissaraa. Qinnuteqaammi pineqartut tassaapput B-1667-p avannaata-kitaani inissisimasussami illorsuarmi inissianik 12-nik pingasunik initallinnik sanaartornissaq.

Pilersarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq

2004-miit 2014-imut Qaqortup Kommunerisimasaata 2011-mi pilersaarutaani kommunimut ilassutitut pilersaarut nr. 10 najoqqutaralugu sanaartorfissaq qinnutigineqartoq pilersaarummi tunngaviusumi sanaartorfissami toqqarneqarsimasumi ilaatinneqanngilaq, kissaatigineqartutullu piviusunngortinneqassappat kommunimut pilersaarummut immikkut akuersisoqarnissaa pisariaqarluni.

Akerlianik kommunimut ilassutitut pilersaarummi nr. 10-mi sanaartorfissaq B-1667-ip kujataata-kitaani sanaartorfissaq pioreerpoq, sanaartornerlu erniinnaartumik aallartisarneqarsinnaassalluni.

Piujuaannartitsineq: Oqaaseqaateqanngilaq

Qinnuteqartoq kommunimut ilassutitut pilersaarummi nr. 10-mi 2011-meersumi sanaartorfissami toqqarneqareersumi sanaartorniarpasuliat aningaasaqarnikkut toqqaannartumik kinguneqassanngilaq. Akerlianilli sanaartorfissami toqqarneqarsimannigitsumi sanaartornissani toqqarpagu, malitsigisaanillu immikkut akuersissuteqarnissamik tunngaveqarluni, taava nunap ilaani kommunimut ilassutitut pilersarusiorneqarnissamut nutaamut atatillugu allaffissornikkut pilersarusiornermik aamma inerisaanermik suliaqarnermut aningaasartuutunik nassataqassaaq.

Allaffeqarfiup nalilerpaa inissiiffissatut qinnutigineqartoq naleqqutinngitsoq, peqputigalugu B-1667-imiit isikkivik allannguuteqangaatsiassammat isikkivillu pilerinartooq annikillisinneqarluni, kiisalu Qummup kita-tungaani nunap ilaata ineriartortinneqarnissaanut aqquusernullu ingerlaarfissaanut pilersaarutit assersorneqarlutillu akitsorsarneqartussaammata. (Siunissami aqquusernup ingerlaarfissaa ilanngussami titarnertut qernertut kittorartaartut ersippoq).

Aqutsisoqarfiup nalilerpaa sanaartugassaq kommunimut ilassutitut pilersaarummut nr. 10-mut atuuttumut, tassalu B-1667-ip kujataata-kitaani sanaartorfissami toqqarneqareersumi ajornaquteqanngitsumik sanaartorneqarsinnaasoq. (Nunap assingani ilanngusamiittumi Periarfissaq 1 takuuk).

Pilersaarutitut tunngaviusussat pioreersut tunngavigalugit Naminersorlutik Oqartussat inissiiffissatut qinigassatut alla akuerippassuk, tassalu immikkut akuerissummik aamma tamanut ammasumik tusarniaanermik nassataqassappat, taava ingerlatsivik isumaqarpoq qinnutigineqartup allamut inissinneqarnissaa pisariaqartoq (Innersuussut takuuk, nunap assingani ilanngussami Periarfissaq alla 2).

Periarfissaq alla 2 najoqqutaralugu B-1667-imi inissiat isikkiviullu pilerinartuunissaat attatiinnarneqarneqassaaq, aqquusernullu pissusissamisoortimik ingerlaarfissaa pilersaarutigineqartut periarfissaalissalluni, kiisalu Qummup kangia-tungaani nunap ilaani inissialiorfissat nutaat pilerinartullu ineriartortinnissaannut periarfissat ingerlatiinnarneqarsinnaallutik.

Inassuteqaat: Ingerlatsiviup inassutigaa Aningaasaqarnermut Ataatsimiititaliap aamma Kommunalbestyrelsip Periarfissaq alla 2 akuerissagaa, matumani Kommunimut ilassutitut pilersaarummut nr. 10-mut atuuttumut tunngatillugu Namminersorlutik Oqartussat immikkut akuerineqassasut, taavalu Qummumut tunngatillugu taassumalu kangiaata-tungaani nunat ilaanni illoqarfiup ineriartortinneqarnissaanut Kommunimut ilassutitut pilersaarummit nutaamik piaarnerpaamik suliaqartoqassasoq.

Aningaasaqarnermut Pilersaarusiornermut Ataatsimiititaliap 10-2019 aalajangernera:  
Pilersaarusiarnut ilassutip akuerineqarnissaa kaammattuutigalugu kommunalbestyrelsimut ingerlateqqinneqassaaq.

**Aalangiineq: Akuersissutigineqarpoq.**

## **IMM. 20. INNOVATIONS SOUTH GREENLANDIMUT KIFFARTUUSSINISSAMIK ISUMAQATIGIISSUTEQARNEQ AAMMALU MISSINGERSUUTITIGUT NIKISITSINISSAMIK QINNUTEQAAT**

Inuussutissarsiornermut Suliffeqarnermullu Ataatsimiititaliap siunnersuummik tulliuttumik 30. august 2019 ataatsimiinnerini oqaluuserisaqarpoq:

"Juunip 12-anni 2019 ataatsimiinnermi inuussutissarsiutinik ineriartortitseqatigiiffiup Innovation South Greenlandip pilersinneqarnissaanut siunnersuut Aningaasaqarnermut Ataatsimiititaliap akueraa, tamatumani aalangiunneqarpoq ingerlatseqatigiiffiup pilersinneqareerneqarnerta kinguninngua siusinnerusukkat DSG-mut aamma KAPS-imut kiffartuussinissamik isumaqatigiissutit atuuttut atuutereersimasullu tunngavigalugit inuussutissarsiutinik ineriartortitseqatigiiffiup aamma Kommune Kujalliup akornanni kiffartuussinissamik isumaqatigiissusiortoqassasoq, kiisalu inuussutissarsiornermut siunnersuisoqatigiit ileqqoreqqusai aallaavigalugit aningaasaliissutit il. il. akueralugit.



Siunnersuummi matumani ISG-mik kiffartuussinissamik isumaqatigiissutissamut missingiut saqqummiunneqarpoq, taannalu naapertorlugu makku isumaqatigiissutigineqassapput:

- Kommune Kujallermi inuussutissarsiornikkut ineriartortoqarnissaa inuussutissarsiortullu ineriartornissaat siunertaralugu ISG-ip Kommune Kujallermut sullissinissaanut tunngasut, kiisalu inuussutissarsiutinik ineriartortitsiniarluni ingerlatsinermut aningaasaliissutit atorineqarnissaat suliallu kommunip aningaasalersugai pillugit, kiisalu
- Kommune Kujalliup kiisalu Kujataani Aalisartut Piniartullu Suleqatigiiffiata (KAPS) kiffartuussinissaq pillugu isumaqatigiissutaat 28. december 2018-imeersoq naapertorlugu suliaassat nuunneqarnissaat.

Tamatuma saniatigut Kommune Kujalliup KAPS-illu kiffartuussinissamik isumaqatigiisutaat 28. december 2018-imeersup atorunnaarsinneqarnissaa pillugu isumaqatigiissusiortoqassaaq, taannalu kiffartuussinissamik isumaqatigiissummut ilaavissunngorlugu suliarineqassaaq, taamaaliornikkut suliaassat Kommune Kujalliup KAPS-illu kiffartuussinissamik isumaqatigiisutaat 28. december 2018-imeersummiittut isumaqatigiissutip iluani suliarineqarnissaat qularnaarumallugu.

Kiisalu KAPS-ip isumaqatigiissut peqataaffigilissavaa, tamatumalu malitsigisaanik Kommune Kujalliup KAPS-illu kiffartuussinissamik isumaqatigiissutaat kiffartuussinissamik isumaqatigiissusiornikkut atorunnaassaaq isumaqatigiissutip atorunnaarsinneqarnissaanut ilimasaariffissartitaasoq isumaqatigiissutigineqarsimasooq apeqqutaatinagu, taamaaqataanillu KAPS Kommune Kujallermit pissaqarsimaguni pissani piumasarisinnaajunnaassallugit.

Tamatuma malitsigisaanik Kommune Kujalliup KAPS-illu kiffartuussinermut isumaqatigiissutaata allaffissornikkut aqunneqarnerani aningaaserivimmi konto atorineqartoq pillugu paasissutissanik tamanik KAPS ISG-mut tunniussaqaassaaq, soorlu NEM-ID kodenik, taamaalilluni ISG kontonik atuisinnaalerniassamat.

Kiisalu Kujataani inuussutissarsiornikkut ineriartorneq aamma inuussutissarsiornikkut siunnersuineq siuarsarniarlugu suliaassat nutaat suliarinissaannut isumaqatigiissusiornissamut ISG piginnaatitsissummik tunineqarpoq. Taamatut isumaqatigiissusiortoqassagaangat Kommune Kujalleq nalunaarfigineqartassaaq. Taamaaliornikkut ISG asseruutigalugu Greenland Businessimut taakku sinnerlugit suliaassanik isumaginninnissamik isumaqatigiissusiornissamut piginnaatinneqassaaq.

### **Innovation South Greenlandip suliaassai akisussaaffilu**

Kiffartuussinissamik isumaqatigiissusiornikkut ISG Kommune Kujalleq sinnerlugu suliaassat makku suliarineqarnissaannut akisussaallissaaq:

- Kujataani inuussutissarsiorneq siuarsarniarlugu Kommune Kujallermut, inuussutissarsiortunut, aallarnisaasunut allanullu siunnersuineq
- Ukiumoortumik inuussutissarsiutinik ineriartortitsinermut pilersaarusiortarneq
- Nittarsaassineq
- Isumasioqatigiinnerit pikkorissarnerillu aningaasaliissutit allat atorlugit ingerlanneqartussat pilersaarusiortarnerat ingerlanneqarnerallu

Imaqarniliaq  
Kommunalbestyrelse – ileqquusumik ataatsimiinneq 04/2019

- Kommune Kujallip inuussutissarsiortullu akornanni attaveqatigiinnerup suleqatigiinne-  
rullu siuarsarneqarnerat
- Takornarianut paasisutissiisarfiit pillugit Narsarsuarmi, Narsami, Qaqortumi Nanor-  
talimmilu takornarialerisunut isumaqatigiissuteqarneq
- Kalaalimineerniarfiit, umiatsinik iluarsaassisarfiit neqitsersortarfiillu ingerlanneqarne-  
rinut aningaasartuutit

Isumaqatigiissut una aqcutigalugu KAPS-ip (Kujataani Aalisartut Piniartullu Suleqatigiiffiata) siu-  
lersuisuisa kiffartuunneqarnissaat, Kujataani aalisarnikkut piniarnikkullu inuussutissarsiuteqarnerup  
ineriartortinneqarnissaanut siunnersuineq, kalaalimineerniarfinni, umiatsialerivinni neqitsersuivini-  
nilu ingerlatsinermi naatsorsuutitigut aningaasaaqarnikkullu aqutsineq ISG-mit isumagineqassaaq,  
taamaalilluni tamakkununga tunngatillugu KAPS-p ingerlatsinermut akisussaaffik suliassallu isu-  
maginissaannut peqataasarniassammat.

### **Kiffartuussinermut akiliutit**

Kiffartuussinermut isumaqatigiissummi ISG-ip suliassaanut akisussaaffinullu kiffartuussinissamik  
isumaqatigiissutikkut akiliutissatut Kommune Kujallip missingersuutaani aalajangersagaapput,  
taamaammat tapiissutit amerlassusiinik kommunalbestyrelsi kisimi allannguisinnaavoq.

Tamatuma saniatigut sullissinermut akiliisoqassappat ISG-ip ukiut tamaasa kingusinnerpaamik 31.  
september missingersuutini tunniussaqaartarnissaa piumasarineqarpoq, tassuunalu akiliutit qanoq  
ukiumi tulluuttumi atorneqartussatut naatsorsuutigineqarnersut aalajangerneqarsimassalluni.

Kiffartuussinermut akiliisoqassappat piumasarineqarpoq tapiissutinut tunngatillugu toqqaan-  
nartumik takornarialerisunut tapiissutinik, taarsigassarsianik imaluunniit taarsigassarsianut qularna-  
veequtinik tunisisassanngitsoq.

Kiffartuussinermut isumaqatigiissut aqcutigaluguttaaq kiffartuunneqarnermut akiliutit sinneqassa-  
galuarpata sinnerisa ukiumut tullermut missingersuutintu nuunneqarsinnaanerannik isumaqatigiis-  
susiortoqassaaq, soorluttaaq Kommune Kujalleq kiffartuunneqarnerminut ukiut tamaasa januaarip  
aallaqqaataani akiliuteqartassasoq.

Saqqummiussami matumani siunnersuutigineqarpoq 2019-mi kiffartuunneqarnermut akiliutit tassa-  
assat KAPS-imut (2,0 mio. kr.), Takornarianut nittarsasseqatigiiffimmut (1,3 mio. kr.) inuussu-  
tissarsiorterlu pillugit siunnersuisoqatigiinnut (1,0 mio. kr.) aningaasaliissutit sinneri, taakku 29.  
august 2019 naatsorsorneqarsimapput ulloq taanna KAPS-imut Inuussutissarsiorterlu pillugit Siun-  
nersuisoqatigiinnut aningaasaliissutit atorneqarsimangitsut tunngaviusussanngorlugit Innovation  
South Greenlandillu kiffartuussinernut akiliutigisassanngorlugit.

Taamaammat siunnersuutigineqarpoq aningaasaliissutit sinneri tulluuttut missingersuutini allamut  
inissinneqassasut:

<b>Konto</b>	<b>Aqqa</b>	<b>Aningaasaliissutit</b>	<b>Atuineq</b>	<b>Sinneri</b>
37-01-00-35-05	KAPS	2.000	1.181.666.,69	818.333
37-01-00-35-20	Inuussutissarsiorter- nermut Siunnersuisoqatigiit		500	547.410
	-47.410			
37-01-05-12-00	Kiffartuussinermut isumaqatigiissut Destinations			

Imaqarniliaq  
Kommunalbestyrelse – ileqquusumik ataatsimiinneq 04/2019

	1.300	371.873,73	928.126
38-01-00-01-10 Akissarsiat Inuussutissarsiutinik ineriartortitsinermut siunnersorti400 400.000			0
38-01-00-05-00 Sulisoqarnermut aningaasartuutit	100	0	100.000
Katillugit	4.300	2.100.950,42	2.199.049,58

Siuliani taaneqartut tunngavigalugit siunnersuutigineqarpoq 2019-imi Kommune Kujalliup isumaqatigiissummut tapiissutai katillugit 2.200 tkr.-iussasut, taannalu tassaassasoq 2019-imi Kommune Kujalliup ISG-ip kiffartuussineranut akiliutissaa.

Tamatuma saniatigut siunnersuutigineqarpoq ISG ukiut tamaasa kingusinnerpaamik septemberip ulluis 31-ianni missingersuutinik tunniussaqaartassasoq, tasanilu aalajangerneqassasoq aningaasaliissutit 2019-ip sinnerani qanoq atorneqassanersut Kommune Kujalliup ISG-illu kiffartuussinissamik isumaqatigiissutaani piumasaqaataasut naammassiniarlugit, taannalu Kommune Kujalliup 2019-imi ISG-mit sullinneqarnerminut akiliutissaasa kingusinnerpaamik 1. november 2019 tunniunneqarnissaannut piumasaqaataassaaq.

Kiffartuussinermut akiliutit iluarsineqarsinnaanerit eqqumaffigineqassaaq septemberimmi ingerlanerani aningaasaliissutinik atuisoqarumaartoq naatsorsuutigineqarmat, taamaammatt siunnersuutigineqarpoq 2019-mi septemberip ingerlanerani atuinivik aallaavigalugu akiliutit iluarsineqassasut.

Tamatuma saniatigut siunnersuutigineqarpoq tulliuuttuni aningaasaliissutit amiakkui kontomi nuutaami konto 37-01-mi aningaasaliissutit nikisinneqarnissaannik qinnuteqarnermi tunngavigineqassasut:

Konto	Taaguut	Sinneruttut
37-01-00-35-05	KAPS	818.333
37-01-00-35-20	Inuussutissarsiornermut Siunnersuisoqatigiit	-47.410
37-01-05-12-00	Kiffartuussinermut isumaqatigiissut Destinations & Brandingselskab	928.126
38-01-00-01-10	Akissarsiat Inuussutissarsiutinik ineriartortitsinermut siunnersorti400.000	
38-01-00-05-00	Sulisoqarnermut aningaasartuutit	100.000
Katillugit		2.199.049,58

**Iliusissatut pilersaarutit, nalunaaruteqartarnermi uuttuutit**

Kiffartuussinermut isumaqatigiissusiornikkut ISG-mut isumaqatigiissutigineqarpoq taassuma missingersuummini suliniutit uuttortartassagai, uuttuutillu makkuninnga imaqassasut:

- Suliffeqarfiit ISG-mit siunnersorneqarsimasut allatigulluunniit taperserneqarsimasut amerlassusii pillugit nalunaarut.
- Suliffeqarfiit ISG-mit siunnersorneqarsimasut allatigulluunniit taperserneqarsimasut qanoq ingerlaneri.
- Ukiumoortumik nalilersuisarnikkut siunnersuinerup sunniutaanik paasiniaaneq
- Suliniutit iliuusissatut pilersaarummi akuerisami nassuiarneqartut atorlugit ukiup naanerani suut angorusunneqarnerinik naliliineq.
- ISG-ip aningaasaataanik tigorianaannik naatsorsuineq.

Siunnersuutigineqarpoq ingerlatseqatigiiffiup 2019-mut missingersuummini ukioq taanna suliniarnerminut siuliani taaneqartunik uuttuutitalimmik iliuusissatut missingersuusiornissaanik pi-umasaqaat atortinngikkallarneqassasoq, aammalu ingerlatseqatigiiffiup 2020-imi kingusinnerpaamik 31. septemberimi missingersuutinik tunniussinissaanik pi-umasaqaat atortinngikkallarneqassasoq. Ingerlatseqatigiiffiup 2019-imi ukiup sinnerani nukissani pilersarusiornermut suliffeqarfimmillu aallarnisaanermut atuisarneqarnera tamatumunnga pissutaavoq. Naatsorsuutigineqarpoq ingerlatseqatigiiffik 2020-mut missingersuutinik kingusinnerpaamik oktoberip naajartornerani 2019-mi tunniussisinnaajumaartoq.

Ukiut tamaasa ISG ukiumoortumik nalunaarusiaq atorlugu suliaminik nalunaaruteqartassasoq naatsorsuutigineqarpoq.

### **Atuutilernera, peqataajunnaarneq atorunnaarsitsinerlu**

Siunnersuutigineqarpoq kiffartuussinermut isumaqatigiissut 2019-imi oktobarip aallaqqaataani atuutilissasoq, kiisalu siunnersuutigineqarpoq

- Allannguutit aammalu nutaamik kiffartuussinissamik isumaqatigiissusiornissaq Kommune Kujalliup aammalu ISG kisimiillutik isumaqatigiissummik atsiueqataasutut isumaqatigiissutigiumaaraat.
- Isumaqatigiissut qaammatinik arfinilinnik siumut nalunaarutiginninnikkut qaammatisiutit malillugit qaammatip tulluuttup naanerani Kommune Kujallermit aamma ISG-mit atorunnaarsinneqarsinnaassasoq
- ISG Isumaqatigiissutikkut pisussaaffimminik naammassinninngippat, soorlu imm. 3.2.1 sulianik taaneqartunik suliaqarpat, Isumaqatigiissummut peqataajunnaarnissamik ilimasaarif-fissaasoq apeqqutaatinnagu Kommune Kujalleq ISG-mut isumaqatigiissummut peqataajunnaarnissaminik allakkatigut nalunaaruteqarnermigut kiffartuussinermut isumaqatigiissummik atorunnaarsitsisinnaassasoq,
- Kommune Kujalleq kiffartuussinissamik isumaqatigiissummik atorunnaarsitsippat ISG aningaasat tigoriikkami saniatigut sulisut akissarsiaannut matussutissanik pi-umasaqarsinnaassasoq, sulisullu suliunnaarsinneqarnissaanut ilisimasaarisussaataaneq sivikinnerpaaq atussagaa
- ISG assinganik kiffartuussinissamik isumaqatigiissut atorunnaarsissinnaavaa, tassa sullissinissamik isumaqatigiissutigineqarsimasut pillugit, allakkatigut nukingisaarisogarsimagaluartoq kommune piffissaq akiliiffissatut aalajangersarneqarsimasup kingornani kingusinnerpaamik qaammatip ataatsip qaangiunnerani akiliisimanngippat atorunnaarsitsisinnaavoq.

**Inassuteqaat:** Inassutigineqarpoq,

- ataatsimiititaliap kiffartuussinermut isumaqatigiissutissatut siunnersuutigineqartoq, isumaqatigiissummi allassimasunik pi-umasaqaatitalik siulianilu nassuiarneqartoq akuerissagaa,
- Kommune Kujalliup isumaqatigiissummut 2019-mi akiliutai katillugit 2.200 t/kr.-iussasut, taakkulu tassaassasut Kommune Kujalliup 2019-imi ISG-mit sullinneqarnerminut akiliutai,

Imaqarniliaq  
Kommunalbestyrelse – ileqquusumik ataatsimiinneq 04/2019

- Kiffartuunneqarnermut akiliutit september 2019.ip ingerlanerani aningaasaliissutini atuinivia aallaavigalugu iluarsineqassasoq,
- Kiffartuunneqarnermut akiliutit kingusinnerpaamik 2019-mi novemberip aallaqqaataani ingerlatseqatigiffimmut tunniunneqassasut,
- ingerlatseqatigiiffiup 2019-mut missingersuummini ukioq taanna suliniarnerminut siuliani taaneqartunik uuttuutitalimmik iliuusissatut missingersuusiornissaanik piumasaqaat atortinnikkallarneqassasoq,
- ingerlatseqatigiiffiup 2020-imi kingusinnerpaamik 31. septemberimi missingersuutini tunniussinnaanik piumasaqaat atortinnikkallarneqassasoq, taamaammallu ingerlatseqatigiiffiup 2020-mut missingersuutit kingusinnerpaamik 2019-imi oktobarip naanerani tunniutisagai,
- aningaasaliissutit matuma kingulianiittut aningaasaliissutit kontomut nutaamut konto 37-01-mut nuunneqarnissaanik qinnuteqarnermi tunngavigineqassasut:

Konto	Taaguut	Sinneruttut
37-01-00-35-05	KAPS	818.333
37-01-00-35-20	Inuussutissarsiornermut Siunnersuisoqatigiit	-47.410
37-01-05-12-00	Kiffartuussinermit isumaqatigiissut Destinations & Brandingselskab	928.126
38-01-00-01-10	Akissarsiat Inuussutissarsiutinik ineriartortitsinermit siunnersorti	400.000
38-01-00-05-00	<u>Sulisoqarnermut aningaasartuutit</u>	<u>100.000</u>
Katillugit		2.199.049,58

**Ataatsimiititaliap aalajangernera:** Inassuteqaatit ataatsimiititaliamit akuerineqarput, soorluttaaq saqqummiussap aningaasaqarnermut ataatsimiititaliamut ingerlateqqinneqarnissaanik ataatsimiititaliaq aalajangertoq.

Inatsisit tunngavigisat: Kiffartuussinermit isumaqatigiissut eqqarsaatigalugu kommunimut piginnaatitsissut taavalu missingersuutitigut nikisitsineq eqqarsaatigalugu naatsorsuuserinermit inatsimmi § 23.

Aningaasartai: Siuliani takukkit – aningaasartuutitigut allannguutaanngitsoq.

Pisortaanerit inassuteqaataat: Kommunalbestyrelsimit akuerineqassasoq inassutigineqarpoq.

Aningaasaqarnermut Pilersaarusiornermut Ataatsimiititaliap 10-2019 aalajangernera: Akuerineqarnissaa inassutigalugu kommunalbestyrelsimut ingerlateqqinneqassaaq.

**Aalangiineq: Akuersissutigineqarpoq.**

## **IMM. 21. NARSARSUUP SIUNISSAA**

Teknikkimut Avatangiisinullu Ingerlatsivik

**Eqikkaaneq – suliap saqqummiunneqarnera:** "Teknikkimut avatangiisinullu ingerlatsivik Narsarsuup siunissaata" suliarineqarnera pillugu Aningaasaqarnermut pisortamiit Carsten F. Hansen-imit mailimik nassiunneqarpoq. Ataatsimiititaliat tamarmik qinnuigineqarput Narsarsuaq heliporti-innanngortinneqassagaluarpat Narsarsuaq sumut atorneqarsinnaanersoq siunnersuusioqqullugit inassuteqaasioqqullugillu.

Piffissaliussaq:

- Aggustip qaammataani 2019-imi inassuteqaatersi ataatsimiititaliassinni oqallisigineqassaaq. Taamaammatt ataatsimiititaliap ataatsimiinnginnerani inassuteqaatiliussaasi.
- Ataatsimiititaliap inassuteqaataa kingusinnerpaamik septembarip aallaqqaataani 2019-imi tunniunneqareersimassaaq, taamaalilluni septembarip qaammataani 2019-imi Aningaasaqarnermut Ataatsimiititaliami kiisalu Kommunalbestyrelsimi oqaluuserineqarniassammat.

Inassuteqaat: Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

- Ingerlatsiviup siunnersuutai inassuteqaataalu oqallisigissasut, kiisalu
- Ataatsimiititaliap siunnersuutai inassuteqaataalu saqqummiunneqassasut
- Aningaasaqarnermut Ataatsimiititaliamut tamanna ingerlateqqinneqassasoq, malitsigisaanillu inaarutaasumik kommunalbestyrelsimi akuerineqarluni.

Inatsisitigut tunngavigisaq: Kommunimut piginnaatitsissut

Suliap saqqummiunneqarnera

Qaqortumi nutaamik mittarfiliortoqartussaammat (2020-2023) siunissami Narsarsuup qanoq atorneqarsinnaanera isummerfigineqareersimassaaq. Narsarsuup siunissaa pillugu Suleqatigiissitap nalunaarusiaa aallaavigalugu (ilanngussaq 4) naatsorsuutigineqarpoq Narsarsuaq Atlantiku qulaallugu timmisartunut mittarfiujunnaartillugu nunap immikkoortuani heliportinngortinneqassasoq. Tamanna ima paasineqassaaq pissutsit maanna atuuttut qanoq nalerisarneqassanersut isummerfigineqassammata, matumani eqqarsaatigineqarlutik atortut pigisallu, ataqatigiinnermut attaveqarfiit, illuutit inissiallu sumut atorneqassanersut.

Aaqqiissutissatut siunnersuut – suliatigut naliliineq

Teknikkimut Avatangiisinullu Ingerlatsivik makkuninnga siunnersuuteqarpoq:

- Akunnittarfik aamma ataatsimeersuartarfik - aningaasanoortarfik/kasino? – UNESCO
- Kalaallit Nunaata pequusivia - naatitsiviit - nersussuit, savat kukkukuuvaqqallu aallaavigalugit nunaateqarnejq/nersutaasiveqarnejq. Ilanngullugu toqoraaviup Narsarsuarmut nuunneqarnissaa.

Imaqarniliaq  
Kommunalbestyrelse – ileqquusumik ataatsimiinneq 04/2019

- Parnaarussivik/isertitsivik - akunnittarfik illersukkatut parnaarussivittut aqqissuullugu. Tamanna sulisunik pitsaasunik ilinniarsimasunillu pisariaqartitsivoq, kiisalu taakku akilerarutitigut akilersueqataasinnaassallutik. – Parnaarussiveqarneq eqqarsaatigissagaanni maanakkumut pisariaqartitsinermut naleqqiullugu Nuummi parnaarussivik mikivallaareerpoq.
- Aatsitassassarsiortunut qitiusoqarfik? – inissiat, allaffiit naammaatunillu inissiteriveqarneq. Taava umiarsualivik mittarfillu.
- Nunaateqarnermut højskole.

*Aningaasaqarnikkut sulisoqarnikkullu naliliinerit*

Atortut, illuutit inissiallu ingerlanneqarnerannut aamma aserfallatsaalineqarnerannut aningaasarpaa-lussuarnik immikkoortitsisoqartariaqassaaq.

Kommunip akisussaaffigilgassaasa tamarmik qanoq issusii annertuumik nalilersuiffigineqassapput.

Upalungaarsimanermut tunngassuteqartut annertuumik annikillisinneqassapput - kisianni biilit qat-serutit nutaat aningaasaliissutigineqassapput.

Teknikkimut ataatsimiititaliap aalajangernera: Tusaatissatut tiguneqarpoq Teknikkimullu aamma Avatangiisunut Ingerlatsiviup siunnersuutaa tapersorsorneqarpoq.

Pisortaanerit inassuteqaataat: Politikkikkut oqaluuserineqassasoq.

Aningaasaqarnermut Pilersaarusiortarnermullu Ataatsimiititaliap aalajangerna 10/2019: Kommu-nalbestyrelsip qulequttanik aalajangersimasunik sammisaqarnerani oqaluuserineqartussaamat kommunalbestyrelsimut suliareqqitassanngorlugu ingerlatinneqassasoq.

**Aalajangerneq: Siunnersuutit saqqummiunneqartut suliareqqinnissaat siunertaralugu siun-nersortimik avataaneersumik, Namminersorlutik Oqartussanit akilerneqartumik, ISG-millu qanimut suleqateqartumik sulisitsisoqarnissaanik Innovation South Greenlandip inassuteqaa-tai Kommunalbestyrelsimit akuerineqarput. Narsarsuarmi mittarfimmi sulisoqarniarnikkut ajornartorsiutit maanna nalaanneqartalereersut Naalakkersuisunut aamma saqqummiun-neqassapput. Naalakkersuisumik ataatsimeeqateqarnermi aqutsisoqatigiinniit nunaqarfiup aqutsisuisa siulittaasuut oqarasuaatikkut peqataassaaq.**

## **IMM. 22 KUKKUNERSIUISUP AKUERISAP TAARSERNEQARNERA**

Pisortaqatigiit pisortaanerillu ukiuni kingullerni marlunni kukkunersuiisoqarfimmik BDO-mik su-leqateqarnitsinnik nalilersuisimapput. Ukiorpassuanngortuni taakku kukkunersuiisoraavut, taman-nalu iluaqutitaqarlunilu ajoquteqarsinnaavoq. Ajoqutit piffissap ingerlanerani amerliartorsimapput, kommunilu ataasarani misigisarpoq kukkunersuiineq kukkunersiusut aggettinnagit suliarineqart-arsimasoq qangali taamaaliortoqartanera pissutigunarlugu.

Aammattaaq kingullertigut tikittarnerini paasisarparput misissuinerminni kukkusarsimasut.

Pisortaanerit naliliipput ajoqutit amerlanerusut taamaammallu Kommune Kujallermut inassutigaat Deloitte Nuummiiittoq atorneqalissasoq.

Nuunnitsigut makku angussavavut:

- Suleriaatsitta nutaamik isigineqarnerat, tamannalu iluassaqaaq.
- Deloitte inissiaatileqatigiiffimmi pigisatsinni kukkunersuiisorereerparput.

Imaqarniliaq  
Kommunalbestyrelse – ileqquusumik ataatsimiinneq 04/2019

- Deloitte Sermersuumi taassumaul inissiatileqatigiiffiani misilittagaqarpoq. Tamanna assut iluaqutaassaaq.
- Kukkunersiuinermut aningaasartuutitigut tamarmiusutigut ileqqaarneq. Ingerlatseqatigiiffik Nuummiippoq aammalu Danmarkimiit sulisunik tikisitsisoqaraluarpuunniit taamaallaat nunap iluani angalaneq akilertassavarput.
- Maannamut kukkunersiusoq attavigisartagassariligarput Bo Colbe pitsavimmik misigisaqarfigaarput.

Qaammatinik pingasunik atorunnaarsitsinissamut piffissaqaratta 01.01. 2020 nuuffigissavarput. Malitassat eqqarsaatigalugit kommunalbestyrelsi aalajangereeripat Naalakkersuisut kukkunersuisunik paarlaassinermut kommunimut inaarutaasumik akuersissuteqartussaapput.

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 44

Aningaasartai: Siulianiittut takukkit.

Pisortaanerit inassuteqaataat: Kommunalbestyrelsimit akuerineqassasoq inassutigineqarpoq.

Aningaasaqarnermut Pilersaarusiornermut Ataatsimiititaliap 10-2019 aalajangernera: Akuerineqarnissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

**IMM. 23 SULISUNUT PEQQISSUTSIKKUT NAKORSARNEQARNISSAMUT SILLIMMASIINEQ**

Sulisut ataatsimoorussamik nakorsarneqarsinnaanissamut sillimmaserneqarnissaasa pilersinneqarnissaat siusinnerusukkat Kommune Kujallermi oqallisigineqarsimasoq innersuussutigineqarpoq, peqqutigalugu nakorsartissinnaaneq periarfissaasariaqarmat.

Kommune Kujalleq siornatigut Gjensidig forskringimiittaraluarluni ulloq 01.01.2019 aallaavigalugu sillimmasiisarfiimmu If-imut nuuppoq.

Sillimmasiisarfik If 2019-imi maajip qaammataani tikeraarnermini Carsten Frank Hansen ataatsimeeqatigaa, matumanilu Sillimmasiisarfik If-ip nakorsarneqarsinnaanissamut sillimmaseeriaatsit takorluukkat assigiinngitsut saqqummiuppai, najoqutassallu saqqummiunneqartut akinik takorluukkanik takutitsisut filinngorlugu ilanngussamiittut qimerloorneqarsinnaapput. Kommune Kujallermi sulisut 800-it missaaniipput.

Innersuussutigineqarpoq "tamanut atuuttoq" toqqarneqassasoq, kisianni misissortinnissamut tunngatillugu sulisut Danmarkiliaannissaannut aamma aningaasanik illikartitsisoqassasoq il. il. - aamma neqeroorutip nr. 5-ip aningaasartaannut appasinnerulaartuussasoq.

Aqutsisut saqqummiussaattut suliap ingerlateqqinneqarsinnaanissaa

Neqeroorut "tamanut atuuttoq" 1.805 koruunit=	1.600.000
"Angalanissanut" aningaasaliissutit	400.000 = akunnaallisillugu katillugit
2.000.000 koruunit	



ataatsimut isigalugu nakorsarneqarsinnaanissamut sillimmasiinermit atugassat.

Aningaasaqarnermut ataatsimiititaliap periarfissatut siunnersuut inassutigalugulu akuerisinnaavaa, taannalu 2020-mut missingersuummut ilanngunneqassaaq.

Inatsisitigut tunngavik: Kommunimut piginnaatitsissut

Aningaasatigut kinguneri: 2 mio. kr.

Pisortaanerit inassuteqaataat: Kommunalbestyrelsimut ingerlateqqinneqanissaa siunertaralugu akuerineqassasoq inassutigineqarpoq.

Aningaasaqarnermut Ataatsimiititaliap 10-2019 aalajangerera: Kommunalbestyrelsi tamanna pil-lugu tunngaviusumik aalajangereersimammat akuerineqarnissaanik inassutigalugu kommunalbestyrelsimut ingerlateqqinneqassasoq. Peqqissutsimut sillimmsiineq inassutigineqarpoq sulisunut kom-munimi ukiuni marlunni sulereersimasunut atorneassasut, sillimmasiissullu ukiunut qassiinut atu-gassanngorlugu aallaqqaammut pissarsiarineqassasoq.

**Aalajangerneq: Isummernissamut tunngavissiaq tunngaviatigut akuerineqarpoq, tamatumani-lu ilanngukkumaneqarpoq ineqarnermut periarfissaqarnerneq misissorineqassasoq, aam-malu 2020-mut missingersuutit oqaluuserineqarneranni aaqquissuussinerup aningaasartai inaaruteqaasumik aalajangiiffineqassasut.**

#### **IMM. 24. 2020-MUT MISSINGERSUUTIT SIULLERMEERNEQARNERAT**

Politikkikkut ataatsimiititaliat missingersuutilerilerutorput, 2020-imullu missingersuutit tamarmi-usut akuerisat immikkoortortani ataasiakkaani suliarineqarput.

Tunniunneqartut assigiinngissitaalaarput - suliassaqarfiit tamarmik ilanngussartaat immikkut ili-sarnaateqarput.

A = Ataatsimut B = Aningaasaqarnermut ataatsimiititaliaq C = Teknikkimut Avatangiisinullu Ataatsimiititaliaq D = Inuussutissarsiornermut Suliffeqarnermullu Ataatsimiititaliaq E = Isumaginnin-nermut Ataatsimiititaliaq F = Atuarfeqarnermut, Meeqquqarnermut Nutaaliornermullu ataatsi-miititaliaq G = Kulturimut, Sunngiffimmu Pinaveersaartitsinermullu Ataatsimiititaliaq H = Nuna-qarfiit aqutsisui / allattoqarfik

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 20

Aningaasatigut kingunissai:

Pisortaanerit inassuteqaataat: Missingersuutit tamarmiusut akuerineqarallarsimasut iluanni missin-gersuutaagallartunik ataatsimiititaliat suliaqarnertik nangissagaat.

Aningaasaqarnermut Pilersaarusiornermut Ataatsimiititaliap 10-2019 aalajangerera: Novemberimi aappasaaneerineqanissaa sioqqullugu suliareqqitassanngorlugu kommunalbestyrelsimut ingerlate-qqqinneqassasoq. Innarluutilinnut tunngasuinnaat eqqarsaatigalugit kr. 1.187 mio.-inik ikilile-

riniartoqarmat 2020-mut aningaasanut inatsit assut aningaasaqarnermut ataatsimiititaliamit eqqumaffigineqarpoq.

**Aalajangerneq: 2020-mut missingersuutit tunngaviatigut tamanit akuerineqarput, tassami kommunalbestyrelsip tamarmiusup ippassaammagu sammisaqarnermi missingersuutitut missingiutit misissuataarpai, aappassaaneerinninnerullu tungaanut sukumiinerusumik misissuisoqarlunilu aaqqissuisoqassaaq, ilaatigut missingersuutitut sinaakkutsiussat allanngortinneqartariaqarnermut misissorneqassalluni, taamaammat aappassaaneerinnineq sioqqullugu sinaakkutanik nutaanik nalunaaruteqarnissamut aningaasaqarnermut ataatsimiititaliaq piginnaatinneqarpoq. Ataatsimoortumik tapiissutit suli isumaqatigiinniutigineqarmata suli allanngortoqarsinnaavoq ilaatigummi soorlu innarluutilinnut tunngasuni aningaasartuutaajumaartut suli nalorninartoqaimmata.**

**Inuit Ataqatigiinniit imaqarniliamut ilanngutsikkusunneqarpoq missingersuusionerup aaqqissugaanerusumik ingerlanissaanik siornaammagu kissaateqaramik, massakkulli tunngavissatik tunngavigalugit aalajangerneq siuliani oqaatigineqartoq akueraat.**

## **Imm. 25 TAASARIAQARTUT ALLAT**

- KPI: Nalunaarutigineqartut tunngavigalugit ataatsimiititaliat siulittaasuisa ataatsimiititaliat sulinerannut tunniusimanerunissaat kissaatigineqarpoq.
- SS: Qinikkat ataatsimiittarfianni seqersitaateqarsinnaava? KD: Ajornanngilaq, kisiannili Nanortalimmiit Narsamiillu peqataasunut ajoqutaaratarsinnaavoq tassami skærmersuakkut maanna malinnaasinnaasarmata.
- AH: Minkiateqarfiliariniakkap sumut killiffia? PF: Suliaq unitsinneqarpoq, ataatsimiititaliamiillu suliniut aningaasallu tassunga immikkoortinneqarsimasut piffissami aggersumi isummerfigineqassapput.
- HB: Suli tassa Nanortalimmioqarpoq kuuginnartumik imeqanngitsunik taamalu uffarlutilu errorsinissaminnut periarfissaqanngitsunik. Napparsimaviup errorsisarfitoqaa maanna atorunnaarpoq maanna napparsivik nammineq errorsisaleramat. Peqqissutsimut Naalakkersuisoq attavigalugu errorsisarfitoqqap tiguneqarsinnaanera misissoqquneqarpoq.
- OJD: Sinniisussat piareersarnermut peqataatinnerulernissaannut periarfissaqarpa? KPI / KD: Narsami Nanortalimmilu iPadinik tunniussisoqarsinnaavoq taamalu sinniisussat Firstagedakkoorlugu oqaluuserisassanut isernissaminnut piffissaqarnerulissallutik.
- NL: Narsarsuarmi illu sullivik tiguneqarsinnaavoq Innuttaasunut illunngortinnissaa siunertaralugu. KPI: Ataatsimiititaliamit attuumassuteqartumit misissorneqassaaq.
- KPI: Politikikkut ataqatigiissaarisoqatigiit ataatsimiinnissaannut oqaluuserisassat: marluninik suliffeqarnermi marloriaammik akileraartitaasarneq, angerlarsimaffimmi ikiorteqarneq kiisalu kommunalbestyreslit borgmesterillu kalaallisut taaguuserneqarnissaat.
- KPI: Suleqatigiissitaliortoqarpoq Tanbreez-imut tunngasumik.
- KE: Nanortalimmi iliveqarfik, suli naammassineqarsimanngitsutut ullumikkut isikkoqarpoq. KPI: Ataatsimiititaliamit attuumassuteqartumit misissorneqassaaq.
- HB: Ingerlatsinerneq missingersuutit soorlu Kuuppalaannguaq Studiomut tunngasut. MMR: Pilersitsinissaq siunertaralugu Aaqqissugaanerumut aningaasaliissutit atorneqarsimapput. Ingerlatsinerneq aningaasartuutit qulajaarneqarnissaat siunertaralugu isumaqatiginninniar-toqassaaq.

Imaqarniliaq  
Kommunalbestyrelse – ileqquusumik ataatsimiinneq 04/2019

- HB: Unioqqutitsisunik nalunaarutiginnittarneq Whistleblowereqarneq sumut killippa? KD: Kommunit allat peqatigalugit sulineq aallartippoq, aaqquussinerullu qaammatini aggersu- ni atuutilernissaa naatsorsuutigineqarpoq.

Ataatsimiinneq naammassivoq nal 14:35

Kiista P. Isaksen

Mari S. Abelsen

Karla Egede Bisgaard

Monica Dorph

Simon Simonsen

Benjamin Kielsen

Anders Olsen

Josef Petersen

Manasse Semsen

Gerhardt Petersen

Mouritz Karlsen

Naja Lund

Asmus Hansen

Henrik Brummerstedt

Ole Mølgaard-Motzfeld